

MAZ.

IN


BIBLIOTECA NAZ.
Vittorio Emanuele III

XV

B

71

NAPOLI



F. IOANNIS MANTELI

S. THEOL. LICENT.

ORDINIS EREMIT. S. AVGVSTINI

ARS ARTIVM,

SIVE

DE REGIMINE

SANCTIMONIALIVM

DIATRIBE.



ANTVERPIÆ,
EX OFFICINA PLANTINIANA
BALTHASARIS MORETI.

M. D C. XL.





3

REV^{MO} PATRI
HIPPOLYTO
MONTIO

S. TH. MAGISTRO,
TOTIVS ORDINIS
FF. EREMIT. S. AVGVSTINI
PRIORI GENERALI.



AD R^{mi} nominis tui claritatem, obscurus & ignotus; ad Urbium reginam ex vltimis Belgarum oris, subditorum tuorum postremus, timidè, & quasi filicernius, exiguum hoc Opusculum, maioris, sinat Deus, postmodùm laboris prodromum, oblaturus venio, Pater R^{mc}. Vt audeam, nimis quantum me all-

A 2

ciunt,

ciunt; Doctrina, longo rerum usu confirmata; Dignitas, cum absolutissimæ vitæ sanctimoniâ, atque ipsa tua singularis humanitas, amorque in Belgas intensissimus.

Doctrina quidem, quæ prius ad vniuersi Ordinis gubernacula quàm ascenderes, non in aulâ tantum Sanct^{mi} Domini innotuit, sed quæ Te virtutum, vti nomine præfers, Montem altissimum, instar Atlantis vel Olympi, omnibus conspicuum longè lateq; fecit; adeoq; Patrum ad Comitîa generalia confluentium oculos perstrinxit, vt Te, perfractis modestiæ tuæ claustris, ad illud culmen & honorem, solo virtutis eruditionisq; tuæ lenocinio inescati, vnanimi assensu euexerint. Quippe non sine quodam quasi miraculo alij coram
ram

5
ràm viderant, alij fando audierant,
acrem illam ingenij tui solertiam,
miram agendi dexteritatem, atque
in tantis negotiorum vindis perpetuam animi tranquillitatem. Et
verò, quia exemplis efficacius trahuntur homines quàm dictis,
iam pridem etiam obseruarant in
Te maximum Religiosæ vitæ zelum,
morumque absolutissimam integritatem;
aded vt Sanctissimus Parens Augustinus in Te prorsum reuixisse videri possit. Neque latere vllum poterat, quam famam & amorem apud Sanctissimum Dominum, Eminentissimamq; Ecclesiæ lumina, Tibi Ordiniq; conciliaueras, cunctis semper, vt ille de suo Mercurio,

Superis Deorum

Gratus, & iuius.

A 3

Vt

Vt omittam, Te in administrandâ
 tam arduâ prouinciâ adeò dexterè
 hætenus versatum, vt non modò
 electorum vota, sed spem ipsam
 superasse videaris. Et nos Belgæ
 (exigua gregis tui portio) quotidie
 inaudimus, quàm in Ordinis to-
 tius decorem auspicatò peragas;
 quàm sollicitè & paternè bonos
 vbique terrarum promou eas, pra-
 uos compescas; quàm generosè
 disciplinam stabilias, zizania sub-
 pullulantia eradices; quo animo
 fructuque longinquas perplexas-
 que visitationes instituas, atque
 in vnius domus Dei decorem,
 subditorumque salutem, toto ani-
 mi nisu incumbas. Maçte, R^{mc}
 Pater, inaçte, inquam, nobiliori-
 bus hisce tuis curis; quæ, si nos
 cælestia edocet,

— lau—

— *lauroque suâ dignatur Apollo,*
 alios gradus, atque eminentioris
 dignitatis lucem Tibi quondam
 parere debent. Ecquis enim am-
 bigat, non eiusdem artis esse, pha-
 selum in lacu, & corbitam in
 Oceano gubernare? Et certè, ut
 aulæum tandem tuis hîc virtuti-
 bus obseram, quod, precor, stu-
 dium est, quo non apprimè sis
 imbutus? quæ scientia, cuius inti-
 ma non penetraris? adeò ut quæ
 in alijs diuisim, in Te coniunctim
 omnia sese infudisse videantur.

Iam si dignitatem tuam intueor,
 ecce clauum in eo Ordine tenes,
 ubi quot hætenus Generales, tot
 viri floruerunt cum domi pietate
 ac modestiâ incomparabiles, tum
 foris zelo honoris Dei, prudentiâ
 pariter ac doctrinâ per vniuersum

orbem maximè admirandi. Quid enim, vt illos prætermittam quorum nomina adhuc in recenti memoriâ sunt, de vtroque Clemente, Ægidio Romano, Augustino Triumpho, Thomâ Argentinate, Gregorio Ariminensi, Bonauenturâ vtroque, Alexandro Oliuâ, Ægidio Viterbiensi, Hieronymo Seripando, Christophoro Patauino, aliisq; dicam? Non sibi, sed Ecclesiæ; non temporis, sed æternitati vixisse dixeris. Atque horum non magis hodie locum tenes, quàm virtutes præstantiamque: cui inest, quidquid in illis laudabile; deest, quidquid in vllò vniquam improbandum fuit.

Denique & nos Belgæ, vt omnes narrant, Tibi non paruo in pretio sumus, quos tenerâ beneuolentiâ,
&

& fauore incredibili passim complecteris, nutris, foves. Vt nec Iacobo, liceat ita dicere, fui hodie desint Beniamini. Et quia ego è Belgis, atque etiam ob alia quæ dixi, extimulatus sum, R^{mc} Pater; vti libellum hunc præclaro nomini tuo dicatum irem; quò mutuer à doctrinâ tuâ instructionem, à vitæ sanctitate exemplum, ab dignitate præsidium.

Neque hominum vlli meliùs hanc de Regimine Sanctimonialium *Maximè* inscribere poteram, quàm Tibi, qui artem regendi animas adamussim calles, plurimæque Vestalium monasteria (trecenta iam olim fuisse Pamphilus noster testatur) imperio complecteris, prudentiâ moderaris. Et quidem pro innatâ tuâ be-

A 5 neuo-

neuolentiâ suggeres, si quid à me fortè minùs ad rem dictum, si quid alia fortè cogitanti; vel parum experto omissum.

Admitte igitur, R^{mc} Pater, exigua hanc profundissimæ obseruantia, & verè affectus in Te Belgici tessera; & quia grandiori nobis hecatombe non licet, sine hisce velut flosculis, potiùs flocis, R^{ma} Paternitati tuæ litemus.

Postremùm, obnixè rogo, vti me, meaqué, exigua sanè, studia æternùm commendata habeas; optimumq; Mecenatem nostrum, R. D. Lucam Blommart, I. V. L. Cathedralis Ecclesiæ Iprensis Canonicum ac Sigilliferum, eo loco ducas, quo benè de Ordine & subditis tuis meritos habere soles. Ipris Kal. Ian. M. D C. X L.

L E-

LECTORI.



*Aldè ignarús sim, beneuole
Lector, moris huius aui, si
non varia, de tam nouo, &
fortè tenui scripto, iudicia mihi para-
ta praeuidero. Iniri enim illorum vix
potest numerus, qui longè promptius
aliena censendi, quàm propria cu-
dendi munus arripiant. Sed ut non-
nullis eorum etiam hoc onus censendi
adiutem, iampridem hanc litem liti-
gavi coram æquissimo tribunali R. &
Cl^{mi} Officialis Iprensis; cuius, rogo,
sententiam pro me audiant, ne plura
præscribere necesse sit. Ille igitur ita
ex æquo & bono pronuntiauit:*

REVERENDE PATER,

O Peris tui censuram petis. Quis dare
presumat? nisi de illo hominum ge-
nere,

nere, qui tanta arti, eiusdemq₃ Doctori parem se, imò superiore, iniquus sui aestimator arbitretur. Habeto autem, si non censuram, at sensum meum; quod sentio, non quod censco. Artem artium ex merito ut tractares, nomenq₃ ac tituli mensuram re impleres, omnium eam scientiarum artiumq₃ floribus, ex SS. Patrum, summorum Theologorum, Philosophorum, Oratorum, Historicorum, ac Poëtarum hortis amœnissimis, decerpitis, ita adpersisti; ut non argumento tantum, sed ipsâ quoq₃ tractatione, Ars artium merito dici possit, quod exhibes. Quos ego flosculos altiori quodam consilio adhibitos auguror, ne ad spinosum adeò horridumq₃ campum, si non labyrinthum (quem nimis ex vero representas) spectandum calcandumq₃ inuitati, in ipso quasi limine, vel solo aspectu absterreantur, si nihil quod possit allicere, vel delectare, intersplendeat. Nec est quòd vereare, ne preposterus audias Scriptor, qui viris ad regendum prepositus, Monialium tibi regimen expendendum,

atq₃

atq; ad regulas certas reuocandum sum-
 pseris; his exsoluens, quod illis debebas.
 De Monialibus siquidem formandis sa-
 licitum esse, id proprium videtur Augu-
 stinianorum, præcunte scilicet illis inter
 Sanctos doctissimo, inter doctos Sanctis-
 simo eorum Patriarchâ Augustino, qui
 illam Artium omnium artem, ipse artium
 Arx, diuinissimâ quadam, Monialium
 quarundam cœtui, tum inter se tumul-
 tuantium, præscriptâ regulâ, mirabiliter
 complexus est; ut tanti Patris exemplo,
 videaris didicisse quid Monialibus de-
 beas. Neque tamen actum agere te quis-
 quam putet. Ille enim præcepta potius
 viuendi Monialibus dedit, tu rectè gu-
 bernandi præcepta Rectoribus: dispari
 viâ, ad eundem scopum collimantès. Falli-
 tur autem, quisquis hæc artis præcepta ad
 solas putauerit feminas pertinere, quasi
 eorum nihil ad viros regendos deriuari
 possit. Idem enim de his esto, quod de
 D. Augustini regulis iudicium, quas ille
 Monialibus scripsit, viris autem postmo-
 dum quoq; commendauit. Et quotus est,

cui

cui in virili corpore masculinum semper
constet pectus? Nec pauci reperiuntur,
qui sexus quidem fortioris cum sint, in-
stabilitatem, mollietatem, aliaque mulierum
vitia habeant: quos proinde, siue Eccle-
siastici, siue saculares sint, eodem cum
feminis medicamento necessum est cura-
ri. Vt ad Operis tui commendationem il-
lud quoque in quo finio, dici iure possit,
publicari Artem artium in bonum uni-
uersorum.

Godefridus Typoets.



E. IOAN-

F. IOANNIS MANTELI
 A R S A R T I V M,
 S I V E
 D E R E G I M I N E
 S A N C T I M O N I A L I V M
 D I A T R I B E.

C A P V T P R I M V M.

§. I. *Quàm difficile sit regimen sa-
 crarum Virginum.*



N V M præesse pluribus,
 & quidem sequioris se-
 xus, res omnino ardua
 est; nempe quæ longam
 experientiam, non vul-
 garem doctrinam & sapientiam, vitæ
 integritatem, atque etiam otium, po-
 stulet. Et quamvis hæc adfuerint, non
 vsque tamen adeò facile est eos reperi-
 re, qui aliorum dignos se præstent im-
 perio:

perio: siue quia plerumque longo aliena interiecto spatio respicimus, nostra propius & propius intuemur: siue quia proprius aliquis regendi genius, felicitasque adsit necesse est, quæ potius pendet ex alieno. Sed cum ita multitudinis assensu usuque communitatis receptum sit, ut unus præsit; cui ceteri pareant; longè tolerabilius est non ad eò vndicumque idoneos efferri supra alios, quàm multitudinem moderatore destitui. Adeoque iis, ad quos hæc cura spectat, tantò impensius ad laborandum est, quantò utilius magisque necessarium, ne tam decora Ecclesiæ militantis membra defectu idonei capitis langueant.

§. II. *Prima huius difficultatis ratio.*

HOMO naturâ liber & sui iuris alienum grauatè imperium admittit; quique intus in animo monarchiam quamdam gestat; omnem aliam dominationem externam aspernatur.
Et

Et quemadmodum omnibus ea innata est veri videndi cupiditas, ut etiam perditissimi quique mendacium oderint; ita huic, inquit magnus Latine *Cic. lib. 1. de Offic.* fandi magister, adiuncta est appetitio quædam principatus, ut nemini parere animus bene informatus à naturâ velit, nisi præcipienti, aut docenti, aut utilitatis causâ iustè & legitimè imperanti: ex quo animi magnitudo existit. Quid verò de feminâ-virgine dicam, cui ad transmissum hereditate maternâ fastum, mentisq̃ue elationem; ille titulus non mediocres stimulos addit, maioresq̃ue animos excitat? Quam ob causam passim à Sanctis Patribus, ne plus æquo se ideò efferant, aut maritatis præferant, admonentur; sed ut morum sanctitate ornetur virginitas, & perfectum gradum vitæ perfectio subsequatur. Signanter D. Gregorius, *parte 3. Cura pastor. admonit. 29.* Admonendæ, inquit, sunt peccata carnis ignorantes, ut & præeminere virginitatem coniugio sciant; & tamen se super coniuges non extollant: quatenus

B

nus

nus dum & virginitatem præferunt, & se postponunt: & illud non deferant quod melius esse existiment, & se custodiant, quò se inaniter non exaltent. Edicit quidem, fateor, Deus virginibus apud Isaiam, *Qui custodierint sab- bata mea, & elegerint qua volui*, scilicet virginitatem, & tenuerint fœdus meum; dabo eis in domo meâ, & in muris meis locum, & nomen melius à filiis & filiabus. q.d. Vos eunuchi, qui, compressis carnis motibus, affectum prauis operis abscinditis, locum estis habituri in æternâ mansione & sede Beatorum, etiam ante filios. An non Angelos, qui hoc nomine crebrò in sacris Litteris donantur? quia quod illi naturâ possident, virtute comparastis. Ita tamen, vt si in humilitate perstiteritis, nec per inordinatam superioris loci appetentiam cum Angelis apostatis, qui vobis seruabatur, deserueritis principatum. Vos quidem priuilegio virginitatis sequemini *Agnum quocumq; ierit*, atque canticum illud, quod corruptæ

Cap. 56.
Ita interpretatur
D. Amb.
Exhort. ad
Virgines.

S. Iudas in
Canon.

Apoc. 14.

ruptæ & hirsutallientes voces non exprimunt, suauissimo concentu modulabimini: attamen meminertis, quia & illud coniugatae audiunt, licet dicere nequeant, & per charitatem in vestra celsitudine iucundantur, quamuis ad illa præmia non assurgant. Potuit Abraham coniugio ex obediētiâ inito magis Deo placuisse, quàm per virginitatem. cuius studiosissimum fuisse vel inde liquet, quòd filium vnicum, spem posteritatis, pignus finemq; matrimonij, tam parato, tamque libenti animo, vnicâ Dei voce excitus obtulerit in holocaustū. Recubuerit D. Ioan- Ioan. 12. nes ob virginitatis prærogatiuam in sinu Saluatoris nostri: Abraham ipse Luc. 16. pater credentium sinum Lazaro aliisque expandit. Neque enim, vt S. Ful- Epist. 2. de statu viduali. gentius inquit, connubium est ex colluione peccati, sed institutione Dei: & in eo quòd coniuges inuicem carnis debitum reddunt, in quantum id modestè faciunt, Christi præcepta custodiunt; vt qui nullatenus à coniugali

s. Ambros.
lib. de Vi-
duis. charitate & castitate discedunt. Quin-
imò habent virgines quod ab vxori-
bus discant: quæ enim cum viro ca-
stum cubile custodiunt, documento
virginibus sunt, integritatem Deo esse
seruandam.

§. III. *Virginitas nonnullis occasio
superbiae.*

AMiti, inquam, hac virtute est,
quòd aliquæ ferociunt; & quam-
uis corpore subsidunt, animo tumeant.
Et quia illis certior corporis libertas,
nec vlla ex seruitute coniugali obliga-
tio, ægrè, vt Menander ait, regi pos-
sunt, & amaræ sunt naturâ. Nec de-
sunt quæ ingenio hac in re ludant, &
vtinam! seipsas non deludant: Fate-
mur, inquiunt, mulieres subditas debe-
re esse viris, iuxta effatum Apostoli; sed
coniugatas, matris familias titulo gau-
dentes, thori delicijs perfruentes; nec
virum propter mulierem, sed mulie-
rem propter virum creatam, illam sci-
licet

Ephes. 5.

1. Corint.

2.

licet quæ viro sit in adiutorium, vitæ societatem, prolis educationem: cuius uti vir principium est, siue materia ex quâ, ita sit eiusdem finis. at nos corpore integræ, in nullius potestatem transcriptæ, iugo tam acerbæ seruitutis non subdimur. Et quantum putatis eiusmodi cogitationum æstu subtiles quidem illas, sed superbire faciles mentes non exagitari? Audiui à viro spectato & fide dignissimo, vnâ aliquam Æoli infernalis flabris deiectam eò vsque processisse dementiæ, vt præ virginitate suâ D. Annæ, quæ Deo peperit matrem, felix illud germen, & inter omnes feminas benedictam, fastidiret patrociniû, nec illius vmquam vellet efflagitare preces; quasi salutis suæ secura, si vel tantum corpore integra persisteret. At longè secus accidit: namq; hanc occasionem Ægyptij, id est dæmones, nacti, virum eius, animam intellige, interemerunt, vt Sarai pulchritudinē potirentur. Etiamnum Abbâtissa quædam huic culpæ affinis

viuit, quæ, quoties Sanctissimi Patris Augustini incidit mentio, atque ab aliis pro iure meritoque suo laudatur, quasi semper abnuitt; & fuerit quantus quantus velitis, respondet; At non fuit virgo, & turpiter quandoque libidinatus est. Proh! responsum virgine indignum, quo vel vno illa iampridem non obscure prodit se non longè abesse à lapsu. Modestius religiosiusque S. Tereſia virgo integerri-
ma, quæ toto vitæ decursu impensè admodum D. P. Augustinum coluit, opem precesque eius assidue efflagitauit, summoque in honore semper habuit, adeò ab illo propter amissam virginitatem numquam abhorruit.

Glorientur mulieres (pergo ex illarum sententiâ) se potentium & nobilium virorum vxores; nos in solius Dei summi æternique omnium Regis manus conuenimus: ille virginum haud secus caput est, atque vxoratae coniugum pallio inumbrantur. Nos coniugem immortalem, nos suauia castissima
ma

ma habemus: nec enim finem noster amor habet, accessu alicuius turpitudinis, nec damnum pudor. Iactitent illæ nobiles se fecundo partu; quò plures generant, plus laborant. numerent gaudia iuniorum; sed pariter numerēt molestias grandiorum. Nos intactæ, nec tamen steriles sumus: fetus nostri virtutes sunt, quæ quantum numero, tantum gaudia matris augentur. Postremò, quasi ad ipsas solas redempti generis humani pertineat gloria, Multas feminas, inquiunt, Scriptura diuina in lucem euexit; palmam tamen publicæ salutis solis virginibus dedit.

Sed utinam D. Bernardo, qui & ipse virgo perseverasse traditur, Virginiq; Deiparæ vsque adeò carus fuit, potius quàm eiusmodi prauis suggestionibus obaudiant. Laudabilis, inquit, virginitas, sed magis necessaria humilitas. Illa consulitur, ista præcipitur: ad illam inuitaris, ad istam cogерis. De illâ dicitur, *Qui potest capere, capiat: de istâ, Matth. 13.* Nisi quis efficiatur sicut paruulus iste, non *Matth. 19.*

*Homil. 1.
super Mis-
sua.*

intrabit in regnum celorum. Illa ergo remuneratur, ista exigitur. Potes denique sine virginitate saluari; sine humilitate non potes. Potest, inquam, placere humilitas, quæ virginitatem deplorat amissâ: sine humilitate autem (audeo dicere) nec virginitas Mariæ placuisset. Super quem, ait Isaias, requiescet spiritus meus, nisi super humilem & quietum? Super humilem dixit, non, super virginem. Si igitur Maria humilis non esset, super eam Spiritus sanctus non requievisset. Si super eam non requievisset, nec imprægnasset. Quomodo enim de ipso sine ipso conciperet? Patet itaque ut de Spiritu sancto conciperet, sicut ipsa perhibet, *Respexit humilitatem ancilla sua*. Deus, potius quàm virginitatem. Et si placuit ex virginitate, tamen ex humilitate concepit. Vnde constat, ut placeret virginitas, humilitas procul dubio fecit. Hæc mellifluus ille Burgundio.

Cap. ult.

ENC. I.

§. I V. *Altera huius difficultatis ratio.*

Feminæ vt naturâ, ita moribus à viris longè recedunt. Neque enim illæ ex terrâ rudiorē à Deo creatæ sunt; sed ex eodem quidem quo Adam pulvere, verum iam in carnem & ossa concreto & coacto; vnde molliores tenerioresque viris euaserunt. Nam & qui insitione in alio trunco succrescunt rami, mollioris ac tenerioris ligni fortiuntur corpus. Quamobrem illas quæ ex viri carne ossibusque deductæ effectæque sunt, leuiorē viribus, tenerioresque sensu, ac mente leniorē, facilioresque esse, in confesso est. Quid enim semper læues malæ, vox semper exilis, cutis mollicula, nisi quamdam naturæ alterationem designant? S. P. Augustinus Varronem secutus, mulierem à mollitie, quasi molliorem dicas, deriuat. Atque hinc illis mentis iudicii que nascitur imbecillitas:

Onidius.

*Vt corpus tenerum, sic mens infirma
puellis.*

Imbecillitas verò leuitatem animi inconstantiamque gignit; vt quod de fortunâ à quopiam dictum est, non secus de feminâ videatur posse accipi; nimirum compertum esse nemini, vtrum similis sui, tenaxque propositi vel cras sit futura. Namque

Horat. lib. 1.
Epist. 1.

*Quod petijt, spernit; repetit quod nuper omisit,
Aestuat, & vita disconuenit ordine
toto.*

Hinc fit vt, quæ inter viros vetare aut iubere exigui vel nullius censemus momenti vel ponderis, illis factu videantur impossibilia, toleratu grauissima; quodque se facturas vel omissuras datâ quasi fide pactæ sunt, huius mox eas pœniteat. Lepidè, at verissimè, pro ge-

Truculent. nio suo Plautus:

*Si benefacere cæpit, eius eam citò
odium percipit.*

Nimisq; pauca efficiunt, si quid occæperint benefacere.

Neque

Neque plerumque quidpiam, quod ab eis impetratum velis, probant improbantve, quòd æquum sit vel iniquum; sed quia ipsis sic libet: nec moderatioribus suis obluantur quasi malè imperantibus; sed quia non idem quod ipsæ sentiant.

Novi ingenium mulierum, inquit Terentius,

*Nolunt ubi velis; ubi nolis, cupiunt
ultrò.*

Atque sunt qui hac opportunità vfi, contrarium istius quod à Sororibus impetratum volunt, imperant. Nam conscientia feminarum nulli satis nota, abyssus est inscrutabilis, densa nox; ut mirum non fuerit, illos quasi palpando in inquisitione illarum sententiæ incedere.

*S. Bernar.
Serm. 3. de
Aduentu.*

Vnde nequaquam sat est, Rectorem esse virum probum & doctum: dexteritas quædam, comitas commoditasque adsint, quâ sexus imbecillitatem ferat, seseque illarum genio nonnihil attemperet, non illarum naturam velit
ad

ad suam inflectere: quod perinde foret
atque pedem alienum suo calceo ad-
aptare, aut annosam quercum ad he-
deram inflectere.

§. V. *Tertia ratio.*

AD intricati huius regiminis quasi
clauum pernosendum longâ
experientiâ opus est, quæ non nisi re-
gendo addiscitur; ut sæpè prius nau-
fragium feceris, quàm viam, per quam
velificandum sit, noueris. Namque ve-
rissimè Manilius ait:

Lib. I.

*Per varios casus artē experientia fecit
Exemplo monstrante viam. —*

Cuius posteriora verba ad difficulta-
tem hanc enodandam æquâ lance ve-
lim ponderes, *Exemplo monstrante
viam.* Exempla felicitis regiminis euen-
tusque Rectori ab expertis quærenda
sunt, grauioresque viri in consilium
adhibendi, quod nemo vñquam sine
evidenti periculo neglexit. Sed quo-
tusquisque proprio iudicio innisus,
aliena

aliena hæc adiumenta non præterit, solemni mortalium vitio? quia nos omnes putamus saperdas, cum simus copriæ. Pluribus isthæc astruere perquam foret facile; sed discendi auido sufficiunt: aliena omnia aspernanti etiam hæc pauca plus æquo longa erunt.

§. VI. *Quarta ratio.*

ORitur ab excellentiâ status virginalis, & necessitate illas probè instituendi: namque, ut D. Hieronymus ait, flos quidam, & pretiosissimus lapis inter Ecclesiastica ornamenta, Monachorum & Virginum chorus est. At etiam pueris Belgicis notum est, quàm sollerti diligentia elegantiores flores custodiantur, & contra omnem aëris hominumque iniuriam muniantur, quantâ sollicitudine multo quæsitæ auro gemmæ possideantur; denique, quàm anxie quælibet pretiosa, quàm non oscitanter seruentur. Hæc verò integritatis virginalis lilia, hos candidæ
inno-

innocentiæ vniones, fidei custodiæque tuæ Ecclesia credidit: quare instar serui nequam & infidelis futurus es, si culpâ tuâ ista elangueant, hi perdantur. Thesaurus est Ecclesiæ pretiosissimus, & verè talentum Atticum; quod nisi ad mensam dederis, vt fœnus facias, otiosi & inertis mercatoris pœnam non effugies. Ne fallaris, tua possessio non est, vt de eâ statuere possis quod velis; sed apud te depositum, cuius in districto Dei iudicio accurata tibi sit reddenda ratio: non tantum illius vt nihil perierit, sed quantum accessione virtutum auctum sit. Illustrior portio gregis Christi, vt D. Cyprianus virgines vocat, in officio contineri nisi ab illustri non potest. Neque ab hac difficultate sese expediunt, qui vno effato, quò à se omne virgines crudiendi debitum amoliantur, suauiusque viuant, omne genus femineum rebus sublimioribus, & quæ mentis agitatione perficiuntur, ineptum pronuntiant; tam in alium sexum

sexum iniqui, quàm Caligula crudelis in vniuersum populum Romanum; qui omnibus ciuibus vnum guttur exoptabat, quò sæuiendi labori parceret. Suf-
ficere, modò grauioribus criminibus se non obstringant, etiamsi sine deuotione, sine vllò pietatis sensu, sine affectione, aridâ quadam consuetudine exercitia spiritualia obeant. Mali medici est desperare, ne curet. Optima animi incitamenta sunt, cùm docetur aliquis posse quod cupiat. Appositè Cicero, Quoniam, inquit, non viuitur cum perfectis hominibus, pleneque sapientibus, sed cum his, in quibus præclare agitur, si sint simulacra virtutum; etiam hoc intelligendum puto, neminem omnino esse negligendum, in quo aliqua virtutis significatio appareat.

Seneca de
Clem. c. 17.

Lib. 1.
Offic.

§. VII. *Etiam Virgines masculis virtutum exercitiis idoneæ.*

NEque enim natura cum mulieribus ingeniis nouercaliter egisse existimanda est, aut Deum in ar-
ctum

Etum illarum virtutes contraxisse, vt
 illis sola votorum essentialia pateant,
 ab orationis mentalis aliarumque sub-
 limium virtutum exercitio arceantur.
 Par illis ad perfectionem Christianam
 vigor, par ad honesta facultas: dolo-
 rem laboremque ex æquo, si consue-
 uere, patiuntur. Quòd si mihi animo
 insideret lumen, quod aiunt, Solis
 ostendere in meridie, proferrem in
 medium exempla B. Claræ nostræ de
 Monte-falchio, S. Terefiæ, S. Cathari-
 næ Senensis, aliarumque illustrium
 Virginum, quibus ad cælestia contem-
 planda, ad heroicis actus exercendos,
 illa corporis iuxtà ac animi puritas
 plurimum adiumenti contulit. Mens
 siquidem virginea Deo adhærens, &
 imaginis in se cælestis referens effi-
 giem, vbi cursus suos ab equorum
 perturbatione placidauerit, in illum
 æthereum purumque locum plausu spi-
 ritualium euecta pennarum, despicit
 omnia quæ in hoc mundo sunt, &
 æternis intenta virtutibus supra mun-
 dum

D. Ambros.
lib. 3. de
Virgin.

dum labitur. Et in virginibus sacris Angelorum vitam videmus in terris, quam in paradiso quondam amisimus. Elias, inquit D. Chrysologus, nescit *Serm. 43.* mortem, commoratur Angelis, conuiuit Deo, & terrenus hospes, supernas possidet mansiones. Et quare? nisi quia nullis corporei coitus fuisse permixtus cupiditatibus inuenitur. Per virginitatem Ioannes fit Angelus, cælestis in terrâ, & totam solus cepit, tenet, complectitur Trinitatem. Et hic ipse finis hominis est maximè excellens, scilicet vnio intellectus cum Deo; vnionis autem finis ipse Deus. Caueat igitur qui *S. Doroth. doct. 14.* eiusmodi spartam nactus fuerit, vel dicere vel cogitare magnas esse virtutes, nec posse adiri à feminâ. hoc enim est, nihil spei in diuinâ ope habere, sed animis ad bonum opus torporem indere. Infirmitas mulierum præcipue carnis est; at in animâ sibi virtus sedem figit semper firma ac potens: studeat potiùs (illi siquidem vni propè incumbit, animas illas Deo dicatas perpolire)

vt, dum ad clauum conscientię illarum
Pfal. 106. sedet, dextrè nauem dirigere, & ap-
 pellere in portum voluntatis earum, vt
 quàm ornatissimæ virtutibus, subli-
 mes in perfectione, Sponso suo ali-
 quando appareant. Hoc ille à curâ tuâ
 exigit, huius, ô Rector, poscêris ratio-
 nem. Aut existimabimus, illum cæle-
 stem deuotarum mentium Sponsum
 minùs delectari internâ mentis specie,
 nec requirere à virginibus suis orna-
 tum spirituales, dignamque tantis
 nuptiis vestem, aut sibi minus præsta-
 ri velle, quàm Medorum Rex à
 puellis conspectui suo sistendis exige-
 bat? Præcepit ille, quò Hebræa aliqua
 coniux sibi fieret, vt septem puellæ
Esther 2. omnem conferrent industriam, & sex
 illa *mensibus oleo ungeretur myrrhino,*
& alijs sex quibusdam pigmentis & aro-
matibus uteretur. Proh, quantum ope-
 ræ, impensæ & temporis ad ornatum
 vnius feminæ! verè de illâ Comicus:
Dum comuntur, dum ornantur, annus
est. Et ille qui adeò mundus est, vt in
 com-

comparatione illius ipsi Angeli prauī
 sint, astraque immunda; patietur in
 thalamum suum induci virgines non
 probè adornatas, non decentissimè
 cultas? De spiritali siquidem Chri-
 sti cum virginibus connubio scribit
 D. Fulgentius: Enimuerò quem cor-
 poraliter sancta virginitas peperit, huic
 spiritaliter sancta virginitas nubit, à
 quo & sancta virginitas fecundatur,
 vt perseueret intacta. Vnigenitus Dei
 Filius, vnigenitus Virginis Filius, vnus
 omnium sacrarum virginum sponsus
 est. Et quia virgo à coniugij necessita-
 te absoluta, spiritalia tantum debet
 ornamenta sectari, atque cælestis Rex
 concupiscit decorem eius, delectatur
 specie & pulchritudine; eccuius mu-
 nus erit, nisi eunuchorum qui seipsos
 castrauerunt propter regnum cælo-
 rum, quiq̃ gynæceo Ecclesiæ præ-
 sunt, illis mundum muliebrem rerum
 cælestium procurare? non frigidam
 piis illarum conatibus aspergere, sed
 ardorem potiùs fouere, cum ad medi-

*Epist. 2.**ad Probam
de Virginit.**psalm. 44.**Matth. 13.*

tandum, tum ad contemplandum, easque ad sublimitatem perfectionis Christianæ animare, difficultatum occurrentium nebulas dispellere? Et quamvis hæc consultò ab alijs, quos spectatos & prouidos cognoueris, quandoque fiant; te quidem labore exonerare poteris, at curâ non liberabis. Tuæ vigilantix, tuæ industriæ commissæ sunt; & si labores molestiasque refugis, vnâ virtutem deferas oportet, quæ non nisi hoc satellitio cincta incedit. Esto, etiam conatui tuo succedat, quem speraueras non respondeat; Deus non profectum sed studium spectat: sufficitque tibi plura esse in voto, quàm magisterio. Deinde vel tui vnus causâ id ita fieri expedit, iuxta versus illos apud Ciceronem, qui per multa transferri possunt:

Lib. 1. de
Offic.

*Homo qui erranti comiter monstrat viam,
Quasi lumen de suo lumine accendat,
facit
Nihilominus ipsi ut luceat, cum illi
accenderit.*

Postre-

Postremò, studia iustitiæ, quæ ad salutem subditarum pertinent, non modò otio, ceterisq̃ue vitæ commodis, sed aliis omnibus studiis officiisq̃ue scientiarum anteferenda sunt.

Et ita verum illud quod initio dixi, difficile esse Sanctimonialium regimen: quod qui attentiore consideratione in animum admiserunt, non facilè ad illas regendum exilient, aut ad eiusmodi munus aspirabunt. Sunt tamen non pauca quæ has difficultates non modicè leniant: inter quæ illud haud postremum, quòd optimæ illæ animæ assiduis calidisq̃ue precibus Deum pro Superioribus suis interpellent, & impossibile sit, plurium benè orantium non exaudiri preces. Namque virgines matris Ecclesiæ hostiæ quædam sunt; quarum quotidiano sacrificio vis diuina placatur. Testem appello S. Gregorium, vt hanc partem concludam, qui Sanctimonialium precibus haud dubitauit ascribere, quæ tum ad tria millia in Vrbe viuèbant,

auerfos Longobardorum gladios à iugulis Romanorum, atque ipsos tanta inter discrimina tot annis potuiffe perfistere.

CAPVT II.

Senem, an iuuenem Sanctimonialibus præfici oporteat?



SENEMVS prorsus felices homines, si tempus, vt puerum, adolescentem, iuuenem, senem facit, ita prudentes, modestos, pios castosque redderet: possetque arduum illud munus tutò concedi senibus, si ea quotidie ad virtutes, quæ ad annos fieret accessio. At sæpè secus accidit, fiuntque nonnulli, vt vinum quod ætatem non fert, cum annis & moribus deteriores, habetque apud eos apologus ille Æsopi locum: Numquam leonem vulpes viderat; cùm huic fortè occurrisset, ita fertur exterrita, vt panè moreretur formidine. Eundem conspicata iterum,

rùm, extimuit quidem, sed nequaquam vt dudum. Tertiò obuiàm illi facta, tam firmo animo fuit, vt accedere propiùs & compellare leonem auderet. Haud secùs ilti ætatis initio clavis confixi timoris Domini, atque à Confessariorum & magistrorum sanis adhortationibus recentes, ad omnem rei turpis occursum non minùs horuerunt, quàm si leonem infernalem coram oculis contemplati fuissent: at mox liberiores audacioresque crebrâ cum hominibus conuersatione fiunt, deinde licentiùs impunitatis spe allecti, cum feminis agunt; donec in flagitia, hominibus quidem ignorata, sed quæ illum omnia videntem oculum nequaquam latere possunt, prolabuntur; terribilisque horror in noxiam securitatem tandem desinit. Vt quispiam illis meritò occinat: *Quomodo Isaiâ 14.*
cecidisti de celo Lucifer, nimis speciosus in decòre tuo, in decòre ætatis tuæ, qui *manè* vitæ tuæ, veluti doctrinâ rutilans, flagransque charitate stella orie-

Dan. 2.

baris? An non, dum eiusmodi homines cogitas, visio ostensa regi Babylonio in mentem redit? Is in somnio vidit ingentem hominis statuam, cuius caput aureum, humeri brachiaque argentea, pectus æneum, ferreæ tibiæ, quæ omnia in pedes luteos fragilesque desinebant. Instar puri puti auri initium conversationis illorum fuit: nihil non fulgebat splendore nequaquam adscititio; sed natiuo; vita probata, mores aurei: at lapsu temporis fugit color optimus, versumque est pretiosum metallum in scoriam. sonori tamen instar tubæ argenteæ ob doctrinæ præstantiam aliquamdiu remanserunt, donec & huic metallo quasi rubigine obductâ, etiam à docendo destiterunt. Atque ita sensim in deteriora prolapsi, nihil nisi lutum diuitiarum cœnumque libidinum cogitare cœperunt.

Thren. 4.

Quæ bonâ venerabilis senij veniâ dicta sunt, non in cuiuspiam vituperium aut contemptum: ablit. Et iure pleno planoque Antiqui

Crede.

*Credebant grande esse nefas, & morte
piandum,*

*Si vetulo iuuenis nō assurrexerit, aut si
Barbato cuicumq; puer; licet ipse vi-
deret*

*Plura domi farra, & maiores glan-
dis acervos.*

Vitia quorundam tantū non tam increpamus, aut lapsos ludum facimus, quā miseremur, cāsu percellimur, exemplo perterremur. Nam de ceteris virtutibus, inquit D. Hierony-
mus, verbi gratiā, sapientiā, temperan-
tiā, mansuetudine, liberalitate, pos-
sunt alij iudicare; pudicitiam solam
nouit conscientia; & humani oculi
huius rei certi iudices esse non pos-
sunt, absque his qui passim, in morem
brutorum animalium, libidini expo-
siti sunt.

*Epist. ad
Fabiolam.*

Ad spartam igitur hanc ritē ador-
nandam non hoc ipso omnes idonei,
quō longam annorum computant se-
riem, magnum bonæ valetudinis, exi-
guum probitatis exhibent specimen:

C 5 sed

sed qui prudentiâ ante alios, moribus senes, vitâ probati. Quamobrem quisquis ætate etiam non ita prouectâ huic muneri à Superioribus admoueris, animo ne nimium concidas, néve periculum ante periculum cogites. Ipsius indomiti elementi tumidas infidasque vndas, iussu Domini, Petrus calcavit impunè.

At nomen hoc Apostoli, alterius rei mihi memoriam refricat. D. Ioannes Euangelista, ætate minor, corpore venustus, eloquio dulcis, absque vllius culpæ periculo, Caiphæ aulam, verè aulam, id est flagitiorum officinam, flagitiosorum altricem, sceleratorum conuenticulum, naufragium innocentiae & integritatis, idque ex ipsius principis scientiâ, intrauit, sedit, commoratus est: D. Petrus Apostolici cœtus princeps, ætate longè maior, vxoria expertus lenocinia, vltu edoctus, in aulâ istâ, ad vnius ancillulæ occursum horruit, verbo prostratus est, altoque virtutis culmine excidit. Et quam similis facti,

facti, dissimilis exitus causam assignabimus? nisi quia ille obedientiâ Domini munitus, ut qui eò missus, actuarij cuiusdam instar, qui audita, visâ, æternis Euangelij monumentis consignaret: hic curiositate, & intempestivâ pietate potius se ingessit, quàm intrare compulsus est. Non est periculosior ad aliam aliquam prælaturam, quàm feminarû, ambitus. Quid enim id esse censeam, nisi Solis currum vel le conscendere, cuius moderandi dum Phaëthon præpostero ardet desiderio, incendio seipsum aliosque inuoluit? Quamvis totus sis ipse spiritualis, non est ex asse spirituale quod optas: nec ætas cuiusquam etiam florentior reiiçitur, sed animus accuratè examinandus est.

Solatio, inquam, sit iis qui iussui alieno obsequentes, manum huic operi admouent, saxumque assidue volendum sustollunt, factum Patriarchæ Abrahæ. Cùm, inquit D. Ambrosius, *Lib. 1. de Offic. cap. 24.* iussus esset à Deo exire de terrâ & cog-
natio-

natione suâ, nōne consideravit, vxorem imbecillem ad labores, teneram ad iniurias, decoram ad incentiua insolentium, sine summo periculo duci non posse? Et tamen subire omnia, quàm excusare consultius diiudicauit. Timebat vxoris pudori, timebat propriæ saluti, suspectas habebat Ægyptiorum libidines; ideoque monuerat vt se sororem esse ipsius diceret: nihilominus præualuit apud eum ratio exequendæ deuotionis. Considerauit enim quòd Dei fauore vbique tutus esse posset; offenso per inobedientiam Domino, etiam non posset illæsus permanere. Quàm hæc viro probo, & quæuis difficilia ex obedientiâ aggredienti, propriè conueniunt, atque extra anxietatem animique fluctuationem ponunt? neque quempiam, vt Apostolus monet, ob solam annorum paucitatem prætereundum aut contempnendum esse. Attamen si eligendi adsit facultas, & rem rectâ reputes viâ,

§. II. *Senes viris, viros adolescentioribus præferes:*

PArtim quia eam viriditatem, quâ magis capere capiç; possunt, illis ætas abstulit, habentque non mediocre ab ipsâ naturâ contra illecebras præsidium: partim quia in senibus D. Hieron. lib. 2. Epist. 12. decrescunt cetera, ieiunia, vigiliæ & eleëmofynæ laboribus parandæ, chameuniæ, huc illucque discursus, & ne sermonem longiùs protraham, cuncta quæ per corpus exercentur, fracto corpore minora sunt. Nec hoc dico quòd in iuuenibus, & adhuc solidioris ætatis, his dumtaxat qui labore & ardentissimo studio, vitæ quoque sanctimoniâ, & orationis ad Dominum Iesum frequentiâ, scientiam consecuti sunt; frigeat sapientia, quæ in plerisque senibus ætate marcescit; sed quòd adolescentia multa bella corporis sustineat, & qui necdum triumphum cecinerit, quî alios bellandi artem doceat? Et

Et inter incentiua vitiorum , & carnis titillationes , quasi ignis in lignis viridibus , suffocatur sapientia , vt suum non possit explicare fulgorem. Senectus verò eorum qui adolescentiam suam honestis artibus instruxerunt , & in lege Domini meditati sunt die ac nocte , ætate fit doctior , vsu tritior , tempore sapientior , & veterum studiorum dulcissimos fructus metit.

*Idem lib. 1.
Epist. 30.*

Ætas rursus illa grauior & ad calcem spectans , ab impudentissimis dominis liberat , voluptatibus , gulæ modum imponit , libidinis frangit impetus , auget sapientiam , dat maturiora consilia , & frigescente corpore , dormit cum perpetuâ virgine Sunamitide : luxuriamq; contemnens cum Berzellai , delegat

2. Reg. 19.

eam filio adolescenti Chamaam ; & non vult transire Iordanem , atque in alios fines de suis finibus , id est regionibus , exire. Et quanta hæc pro felici regimine tenerioris sexus momenta , infirmum frigidumq; corpus , valida igneaque mens ! Vt nihil interea dicam ,
non

non modò virgines naturâ verecundiores, verùm plures Senatorij ordinis viros, atque in Ecclesiasticis dignitatibus constitutos, doctrinâ præcipuos, lubentiùs conscientiæ suæ arcana, & si quid humanitus accidit, senioribus Confessariis detegere: siue quia illos magis silentio assuetos existimamus, ineptiores inferendæ qualicumque iniuriæ; siue quia prudentiâ, consilio, vsuque rerum pollent; seu etiam, quia vnâ cum illis, depositum peccatorum breui terrâ obruendum speramus, mergendaque arcana illa æternæ oblivionis amne: siue denique, quia non ita citò videantur percelli novis narrationibus, nec corripiendi contagione peccati, etiamsi quid inhonestius factum pro maiori conscientiæ tranquillitate describendum sit. Quæ etiamsi ad ætatis in occasum vergentis commendationem fortè non faciant; profectò imbecillitatem miseriamque nostram demonstrant: cui dum senectus opitulatur, non potest non quàm

quàm optimè de plurimis mereri.

* At tu, ætate iunior, experienciâ posterior, consilioq; minùs exacte, licet alta seâteris, & adolescentiæ incensuum ratione veluti iniectâ humo comprimâs, perfectâq; ætatis gradum scandas; noueris lubricum iter esse, tantoq; tibi periculosius, quantò præcariosis senibus placere vel inuitus potes, etiam

Iuuen. Sat.

6.

—— *intactior omni*

Crinibus effusis bellũ dirimẽte Sabinâ.

C A P V T III.

§. I. *De Officio Rectoris, id est qualem seipsum præbere debeat.*



ESTVD profectò aut S.P. Augustinus, vtpote monastices professor, & sacrarum virginum parens & institutor, aut nemo alius dicet. ille igitur, vbi hoc agit, id est in Regulâ suâ, scribit, Præpositum admonens: *Circa omnes seipsum bonorum operum præbeat exemplum,*
breui

Sine Epist.

109.

breui periodo longam regendi artem
 complexus. Non quòd prudentissimus
 pariter atque sapientissimus legislator
 ea omnia ab aliorum moderatore
 exigat, quæ illum docere vel adhorta-
 ri alios contigerit: quia & gladiatores
 perfectissimos non tantum magistri &
 præpositi sui, sed etiam idiotæ, & su-
 peruacue quique adhortantur de lon-
 ginq, vt sæpè de ipso populo dicta
 profuerint: monentque passim ma-
 gni etiam in Ecclesiâ Doctores, non
 quod ipsi possint, sed quid velle de-
 beant qui Christianæ perfectionis stu-
 dium sectantur: sed quia multò am-
 pliùs exempla proficiunt quàm præ-
 cepta. Nec enim difficile quod iam fa-
 ctum existimatur, nec iuutile quod
 probatum, nec ab instituto Religionis
 alienum, quod à capite hereditario
 quodam paternæ virtutis vsu & suc-
 cessione in membra diffunditur. Ap-
 positè ad hanc rem etiam Ethnicus
 scriptor, Longum, inquit, iter est per
 præcepta, breue & efficax per exem-
 D pla.

Seneca
Epist. 6.

pla. Zenonem Cleanthes non expref-
fiffet, fi eum tantummodò audiffet:
vitæ eius interfuit, fecreta perfpexit,
obferuauit illum atq; ex formulâ uiue-
ret. Recordemur igitur, quid Apofto-
lus Petrus præcipiat Sacerdotibus:

Hieron.
Epist. ad
Nepotian.
1. Petr. 5.

*Pascite qui in vobis est gregem Dei, pro-
uidentes non coactè, sed spontaneè secun-
dum Deum: neq; turpis lucri gratiâ, sed
voluntariè: neq; vt dominantes in cleris,
sed formâ facti gregis ex animo.* quia
peffimè tum fe res monaftica habet,
cùm quòd præuiâ virtute effici debet,
id folo tentatur imperio. Ideoq; al-
tiùs in animum admitte iftud Docto-
ris Gentium: *In omnibus teipfum præ-*

Tit. 2.

*be exemplum bonorum operum, in dq-
ctrinâ, in integritate, in grauitate. &
haud difficilè fubditas tuas ad eadem
impelles. Subiiciunt fi quidem fe ho-
mines alterius iudicio imperioq;ue
pluribus de cauffis. Sed nullâ re æquè
ducuntur feminae atque blandâ inui-
tatione & magifterio virtutum: fiue id
fiat innato feminis æmulandi ftudio,
vere-*

SIVE DE REG. SANCTIMONIAL. SI
verecundiâque suadente ; siue quia id
fore vtile persuasum habent, quidquid
illius cuius vitam æstimant, expresse-
rint. Profectò nulla certior subditas ad
Religiosam perfectionem ducendi via,
quàm si ipse moderator ab iis quæ eò
ducunt non abhorruet, si in oratio-
nis, mortificationis, obedientiæ, pau-
pertatis studio fuerit primus. Nihil
æquè, inquit D. Ephræm, animum ho-
minis ducit ad salutem, iunioresque
ad laborandum intendit, atque si do-
ctorem re ipsâ & exemplo ad virtutem
cohortatorem inuenerint. illa enim
vox libentiùs auditorum corda pene-
trat, quam dicentis vita commendat:
quia dum quis loquendo imperat,
ostendendo adiuuat vt fiat.

Vis igitur illas Religiosæ humilita-
tis & modestiæ perquam studiosas?
Humilitatem sequere, non quæ osten-
ditur & simulatur gestu corporis, aut
fractâ voce verborum, sed quæ puro
affectu cordis exprimitur. Aliud est
enim virtutem habere, aliud virtutis

*D. Hier.
lib. 2. Epist.
20.*

similitudinem. Nam veluti aurichal-
cum nulli metallo verum auri colo-
rem imprimit; ita nec simulata virtus
solidam virtutis speciem cuiquam af-
fricat. Exoptas habere morigeras, ma-
iorum decretis obsequentes, propriæ
voluntati valefacientes? Memineris eò
vsque cetera omnia animalia, infe-
rioremq; ipsius partem, Adamo prom-
ptissime obediisse, donec ipse Deo di-
uinisq; præceptis subauscultauit. ipse
sibi ceterisq; animantibus norma
huius virtutis extitit. Placet ipsas vide-
re rerum terrenarum curâ exutâs, at-
que Euangelicæ paupertatis peraman-
tes? Nulla maior ad pecuniæ contem-
ptum exhortatio subiacer, quàm quòd
ipse qui exhortatur, in nullis diuitiis in-
uenitur. Causam requirit D. Chryso-
stomus, cur modò, cum olim duode-
cim homines totam pænè orbis fari-
nam fermentauerint; quando innume-
ri doctores sunt, has Gentium reliquias
conuertere non valeant. respondet-
que, non Apostolici culminis dignita-
tē,

*Tertul. lib.
de Patient.*

*Homil. 47.
in Matth.*

tem, non miracula ab ipsis edita hoc præstitisse; sed verum ac non simulatum gloriæ atque pecuniarum contemptum, & quia nullam sæcularium rerum omnino curam habebant. Alioquin si vita dissensisset à prædicatione, adeò miracula illos commendabiles non fecissent, vt inde etiam impostores existimati fuissent. Quam sanctissimi Doctoris responsionem non est difficile ad propositum transferre.

Idem de temperantiâ, castitate, patientiâ, studio mortificationis, assiduitate & puritate orandi, esto iudicium.

Quomodo enim victus tenuitatem *D. Hier. lib. 2. Epist. 12.* illis inculcare sustinebis, si ante Sacerdotis Christi pauperis & crucifixi ianuam, & qui cibo quoque vescebatur alieno, lictores consulum & milites excubare, subditæ, sæpè nobiles, semper imbecilles, intelligant, iudicemque prouinciæ melius apud te prandere quàm in palatio? Cauesis, maxime si Monasterij salem lingas, ne Sordoribus mollis animi, & cutem bellè

curantis opinionem ingeras: ex hac irrifio, ex irrifione contemptus. Neque enim Deo diuinisq̃ue rebus idoneum censebunt, qui deliciis detinetur terrenis; nec spiritui vacare posse, qui corporis curam facit in desideriis. Arcebis quantum poteris omnes externos, ne te potiùs onus aut sarcinam habeant quàm caput: aut aliqua dicacior illud Belgicum tibi accinat, Sorores fila, Patrem congios ducere. ideoq̃ue vetus illud edicant:

*Epul, Syrisce, te curasti molliter,
Lauteq; munus administrasti tuum.
Abi.*

*D. Ambros.
lib. 2. de
Virginib.*

Deinde castitatem ille docere facilis, qui seверо carnis vitia coërcet affectu, qui ne vel vngulam dimittit Ægypti tyranno, qui numquam verbo, visu, corporis motu vel leuiter discinctus apparuerit. Victoriâ porrò patiens loquitur, iuxta illud: *Qui patitur, vincit*: & qui triumphum de aduersis egerit, idoneus est aliis erudiendis patientiam; poteritq̃ue ex veteri militiæ formu-

formulâ edicere: *Hactenus tibi licet:
 hîc consistes: eò progredere: huc reuertere.* Si denique talis fuerit Rector, qui
 spiritualium lumine instructus clarare
 internas pectorum noctes didicerit, qui
 iacentes erigere, mœrentes exhilara-
 re, ægras solari, scrupulosis condole-
 re, torpentes inflammare, omnibus-
 que omnia fieri doctus fuerit; qui si-
 lentij & solitudinis, quantum muneris
 ratio finit, amator, orationis & morti-
 ficationis ipse studiosus extiterit, pio-
 rumque voluminum lectioni addictus
 sit; næ illo paruo negotio Sorores ad
 mortificationem voluntariam oratio-
 nisque sublimitatem perducet, nutan-
 tia fulciet, humilia subleuabit. Fate-
 mur equidem, vt D. Aponius ait, sa- Lib. 1. in
 tis & vltra quàm efferri potest, quòd Cant.
 gloriosior ille sit, qui, nullis præceden-
 tibus exemplis, quod laude dignum
 est fuerit operatus, quàm ille qui alte-
 rius magistrâ operâ edocetur. Sed ad
 hanc animi celsitudinem imbecillior
 ille sexus vt plurimum non assurgit; vt

Lib. 2.
Epist. 12.

præire ipsi, necesse sit, si subsequi in rectâ viâ velis. Ideoque acquiesco in D. Hieronymi epiphonemate: Non confundant opera tua sermonem tuum; ne, cum in Ecclesiâ loqueris, tacita Sanctimonialis respondeat: Cur ergo hæc quæ dicis ipse non facis? Delicatus magister est, qui pleno ventre de ieiunijs disputat. Accusare auaritiam & affectum proprij & latro, potest: Sacerdotis Christi os, mens, manusque concordent.

§. II. *Non sit nimium morosus.*

AT alia hîc quoque adhibenda cautio est, ne

Horat.

Dum vitant stulti vitia, in contraria currant:

atque ea omnia Rector à subditis suis exigat, quæ ipse præstare potest. Id nimium inclementis & morosi Superioris est; & ab humore melancholico, qui regimini aliorum minùs idoneus, calor hic prouenit. Et quia omnes, quæ magna sunt, & præter ceterorum homi-

hominum consuetudinem fiunt, admiramur, magnifque eos efferimus laudibus, in quibus excellentes quædam & singulares virtutes perspiciuntur: sufficere debet æquo Moderatori, ut id à subditis consequatur, si illum in maiori ob id pretio habeant, taciteque venerentur, ad cuius perfectionem attingere nequeant.

Ad hæc, austerum esse in vigiliis, abstinentiâ, ieiunijs, aliisq; corporis afflictationibus, non usque adeo magnum videri debet; ut quæ recenter conuersi à sæculo, & corpore robustiores, minus obseruare possint, quàm ij qui diutius Deo seruierunt. At mores vel suos vel alienos mutare, singulasque animi virtutes formare, perficere; id verò grandis est studij, longæque consuetudinis; adeoque res dignissima, cui potius Rector anxie immoretur, non milium, ut est in prouerbio, terebret.

Scribit S. Tereſia virgo illuminatiſſi-
ma, quâ occasione & impulsu R. Pater
Hieronymus Gratianus de Matre Dei

Lib. 2.

Fund. cap.

22.

Ordinem Excalceatorum sit amplexus; quantumque illi, etiam in summo perfectionis adipiscendæ annisu, patientiæ & molestiarum deuorandum fuerit; ne per indiscretionem magistri cuiusdam sui in Nouitiatu frangeretur, animoque concideret. Qui licet alioqui vir probus esset, tot tantisque austeritatibus & mortificationibus suis præibat, ut profectò, inquit Diua, illi opus fuerit potenti & æthereo illo spiritu, quo à Deo donatus fuit: alioquin impossibile fuerat, ut in instituto perseveraret: quo etiam factum ut in Ordine permaneret, egregiamque postea aliis operam nauauerit. Duc igitur, id est; exemplo præi, volentes; nolentes ne trahas: inflectere enim velle imbecillio rem sexum in quamlibet partem, id verò est vasculis vitreis aliam formam inducere.

CAPVT IV.

Æqualiter Rectori ab amore atque odio subditarum cauendum. Aliquot in utrumque malum cautiones.



VM aliquando istius recordatio fabulæ animum subiret meum, quâ dicitur Dædalus fugæ locum, occlusis vndique terrâ marique viis, per ipsum æthera inuenisse; atque remoto cortice moralis sensus nucleum inuestigarem: visum est mihi, per Dædalum, virum aliquem industrium, & longo rerum vfu certâque consuetudine confirmatum, designari; per Icarum, iuuenem opis externæ consiliique indigum, qui euasurus sit fœdam vitiorum & insipientiæ seruitutem, si rectè monenti auscultauerit. At quia humanus animus, non satis prouidus sagaxque futuri, regiâ virtutis viâ sæpius errat, aut alta nimium sublimiaque
con-

concupiscit & spirat, aut ad ima nimis
 fæculentaque se abiicit; providè vt ce-
 tera id etiam Dædalus monebat, ne se
 nimis vicinum soli applicaret, huma-
 næq; imbecillitatis cera illius calore li-
 queſceret, néve inferiora aëris leui ala-
 rum remigio radens, vndas tangeret,
 seque ſalsi liquoris onere grauens sub-
 sideret; sed inquiebat,

— *Medio tutissimus ibis.*

Monitum reuerà aureum, quod in
 Rectorem Sanctimonialium apprimè
 cadit. Illæ namque & amoris ignem,
 & odij frigidum onus, vno conclusa
 pectore circumferunt; meritoque am-
 bigas, ab vtro plus periculi existat. Aut
 enim, inquit Publius,

Amat, aut odit mulier: nihil est tertiū.

In extremis versatur, auream medio-
 critatem tenere nescit: semper, vt est
 in prouerbio, aut minus quàm canem,
 aut plus quàm senecionem iacit. Odio,
 inquam, aut amore in eos, quibuscum
 agit, fertur: amicitiae leges, quæ media
 est inter hæc duo extrema, haud callet.

Et

Et quia facillimè ab vno extremo ad aliud commigrat, ambidextrum esse oportet, atque nouisse scutum oppo-
nere ex vtraque parte, ne veneno hæc illita tela ad te penetrent. Quid veterum monumenta magis testantur (nostra enim silentio libens transeo) quàm affectatam illius sexus cruditatem mox in delicatissimi amoris transiisse delicias; atque versâ vice, amores ardentissimos postea in Moscouiticum quoddam odij gelu obriguisse? Potuitne mulier magis effusè, magis perditè adamasse hominem, quàm Tyriorum Regina Troianum errorem deperibat? At mox tam impotenti odio in adulterum suum extimulata est, vt arrepto ferro sibi pectus, amoris tanti quondam domicilium, letali vulnere referaret, quò illicò effunderet, quidquid vnumquam Æneæ in eo spirasset. Notior est illa ex sacris historia quàm vt pluribus commemorem, vbi Sphinx illa Ægyptia amorem, quo *Gen. 39.* prius erga Iosephum castissimum iuuenem

uenem

uenem ferebatur, in tam detestabile odium conuertit, vt, nisi vir eius, homo sagax, mortis supplicium differendum censuisset, vel quia accusatrix femina, vel quia plura ipsius innocentiae iam tum indicia expertus erat; nec posset in animum dimittere, tantum scelus hominem exterum, imò seruum, timidum scilicet pectus, nec tantis amoribus obnoxium, hactenus in aliis sibi fidelissimum, Dei quē summē timentem, committere potuisse: nisi, inquam, harum de aliquā causā frigidam muliebribus flammis vindicandi quē ardori affudisset, de innocentis vitā conclamatum fuisset. Quò spectasse videtur Sapiens, *Non est ira super iram mulieris.* Et Euripides apud Plannudem:

Eccli. 25.

In vitā
Aesopi.

*Furore multo seuit iratum mare,
Pronique fluuij, & ignis acris impetus,
Inopia acerba, acerba alia quam pluri-
rima;
Sed nihil acerbum & noxium, vt
mulier mala.*

Tum

Tum quòd asperitas illarum, siue frigus quoddam odij in viros, quod non habent, sed præ se ferunt, facile sit expugnatu, atque vel leuiter admoto igne inardeat, testatur eiusmodi amorum magister:

Aspera si visa est, rigidasq; imitata Ouidius.

Sabinas,

Velle, sed ex alto dissimulare puta.

Amoris siquidem vis à primordiis ipsis vltimis indita est à naturâ omnibus omnino animantibus ob species perpetuandas; feminis verò præter hæc teneritudo quædam mollitiesque animi, quò ad miserendum paruulorum magis ferantur, accessit. Et huic teneritudini etiam in probatis & sanctis, diabolus insidias struere, atque in illicitum amorem propellere non cessat: simili prorsus modo quo phlegmaticos, consiliis aliter idoneos vel maxime, acediâ quadam & nimiâ cunctatione infestat; sanguineos ad alta natos, superbiæ typho inflammare studet; biliosos, acres & attentos, nimiâ irâ suffunde-

fundere conatur. Deinde, vt quidam

*Lib. de A-
micis.*

apud Ciceronem ait, vt quisque mini-
mum firmitatis habet, minimumque

virium, ita amicitias appetere maxi-
mè. Atque ex eo fieri, vt mulierculæ
magis amicitiarum præsidia quærant
quàm viri; inopes quàm opulenti;
calamitosi quàm ij qui putantur bea-
ti. Tertia amoris muliebris ratio: Vna-

*Lib. 3. de
Virginib.*

quæq; virginum formosam se esse cre-
di vult, [ideoque etiam multæ ex illis,
teste fidelissimo D. Ambrosio, cùm

studium castitatis profiteantur, affe-
ctant adminicula pulchritudinis, vt
comptiores prodeant, nitidiorè vultu

quàm sacra Domini deceat] atque
amari gaudet, amatoremq; suum tam-
quam formæ testem laudibus extollit.

at si qua est quæ nondum se à quo-
quam diligi sentiat, se minimè formo-
sam arbitratur. Vt autem quempiam
ad redamandum inclinet, ecquod
potentius philtron quàm ipse amor?

*Suidas.
Eunapius.*

At enim miraculi instar habeo quod
de Hypatiâ, Alexandrinâ memorant,

illam

illam, cùm formosissima pariter atque doctissima esset, turpem voluisse videri, quò amasio displiceret: qui illius amore faucius, cùm æstum libidinis edomare non posset, palamque morbum suum tandem illi detegeret; ipsa dicitur, prolatis muliebribus quibusdam pannis, atque in amatorculum coniectis, & impuri ortus signo demonstrato, dixisse; Tale est quod amas, adolescens, nihil autem pulchrum: Quo facto ille erubuit, atque ad sanitatem rediit.

CAPUT V.

Odiū amorisq̃ue muliebris incommoda.

LGITUR ad clauum in hoc muliebri falo sedenti vnus nec Vlyssis prudentia, aut vnus Palinuri experientia sufficiet, vt incolumis rebusq̃ue omnibus integris, inter Scyllam hanc Charybdimque enauiget. Ex hoc, ex
E illo

illo latere haud dispar periculum. Si namque subdite Rectorem suum odisse inceperint; segnius obaudient, monita etiam sana & salubria primùm fastidient, deinde aspernabuntur: neque enim magni refert quid, sed à quo vnumquodque fiat. Concionum nullus aut exanguis erit vsus; nec nisi admodum timidè, & parum pro Sacramenti Pœnitentiæ libertate, arcana conscientia suæ detegent. Et quid denique nisi nudum imperij nomen retinet, etiamsi alia omnia habuerit, qui animos subditorum non possidet? Quin, vt Ennius ait,

*Quem metuunt oderunt, quem quisq;
odit, periisse*

Expetit.

Grande mediufidius malum: at illius comparatione quod ab amore imminet, haud paulò minus. Etenim humanitati vbi aliquantisper indulseris, atq; amari potius exoptaueris quàm timeri; extemplò metuendum est, ne ingenuus & spiritualis amor degeneret: namque

Nomi-

Nomine amicitiae sæpè fefellit amor:

& quæ se filiarum instar gesserunt, matrum audaciam induant; quique priùs vt subditis iniperabas, tanquam à comparibus cogaris imperium accipere. In ipso enim aditu, vt prudentissimè monet S. Antiochus Abbas, *Homil. 18.* primæ conuersationis multâ cum lenitate loquuntur, & prono in terram vultu continenter illacrymantur, reuerenter admodum habitum motumque corporis ementiuntur, suspiria attollunt amarulentia plena, de sanctimoniâ aut castitate etiamnum interrogant, magnâ cum voluptate auscultant differentem. Alter atque alter mox congressus superiora illa sensim repellit ac repudiat. Audaciores dehinc factæ, sermones texunt, qui præmolli quodam lenocinio demulceant; &, quamuis ipsæ nolint, ad turpitudinis affectionem inuitent. Hac verò arte maximè pollent coniugium expertæ, quæ eminus & quasi ex speculâ virorum affectus contemplantur,

*Epist. ad
Fabiol.*

Lib. 7.

doctæ, quò ventus tulerit, vela vertere.
A quibus vel ideò plus quàm à virginibus metuendum est: illæ enim multò simplicioreꝛs artem alliciendi necdum norunt. Quis tamen satis sibi caueat? cùm D. Hieronymus exclamet: O quantarum virginum sperata pudicitia in die iudicij dehonestabitur! Quàm paucæ viduæ cum mariti caduere voluptatis desiderium extulerunt! Neque enim Selenno amne omnes abluimur: quem eam vim habere scribit Pausanias, vt qui viri quæve feminæ se eo abluissent, amorum suorum continuò obliuiscerentur.

Et quis erroribus labyrinthi huius tempestiuè satis se explicet? Nemo, reor, nisi qui ductum fili ab Ariadnâ expansi, id est ipsâ Sapientiâ, sequi velit. Hunc sequemur, si consilium cautionesque seniorum non neglexerimus; à quorum sententiâ, quantum possum, non recedam.

CAPVT

CAPVT VI.

Contra Sororum odium alexipharmacum.

ERIO intelligant, te nihil minùs quàm eiusmodi prouinciam ambiuisse, nec istud munus quæsitum in vitæ tolerandæ subsidium, sed ex obediendi necessitate tibi imponi permisisse. Ideoq; liceat ipsis per te clàm quasi gloriari, non te ab alio præfectum, sed ab ipsis postulatum. Neque id molestè feres, si nomen imperij penes ipsas remaneat, res ipsa ad te plenè transferatur.

Studiose deinde cauebis, ne sexum videaris odisse, aut institutis illarum velle aduersari. Ac proinde hæc aut similia, licet ab antiquissimis & probatissimis Scriptoribus prolata, hominibus de triuio relinques, qui feminarum vitia aliquanto facilius culpant, quàm virtutes imitentur. *Mulier est S. Maxim.*

E 3

vir Serm. 39.

*viri naufragium, quietis impedimen-
tum, vitæ captiuitas, quotidianum
damnum, voluntaria pugna, sumptuo-
sum bellum, leæna complectens, exorna-
ta Scylla, animal malitiosum: * quies
serpentis, diaboli solatium, officina de-
monum, vipera vestita.*

* Anastas.
Nican.
quaest. 63.
in Script.

*O Iupiter, cur tantum ac tam fallax
malum,*

Solis, mulieres, deduxisti sub iubar?

Isthæc, milliaque eiusmodi Hippo-
lyto, Melanioni, Euripidi, aliisque ho-
minibus rigoris plus quàm Stoici di-
mitte, qui tamen iram muliebrem non
impunè tulerunt. Vt enim remunera-
tione beneuolentiæ, & officiorum
vicissitudine nihil illis suauius; ita gra-
uissimè mulieres ferunt virorum ani-
mos obsequiis à se palàm, & quasi in-
dicto bello, auerti. Quin potius, ubi res
& occasio se obtulerit, quod verè in
ipsis commendabile, quod decorum,
quod laude dignum, id non fictè de-
prædica.

Adhæc, quantum potes, deuota, ne
nou-

nouitatum studiosus, eas de antiquâ consuetudinum suarum formulâ deicere videaris. Cui saxo si humeros admoueris, illudque voluere inceperis; vbi aliter obsistere haud poterunt, odio se vindicabunt. Et quamuis illa quæ in monasterium introducta volueris, multò sint ipsis futura vtiliora, magisque accommoda: attamen, quia futura pro incertis habent, ægerrimè longâ possessione confirmatis exuuntur. Veluti iis qui beneficia iam diu in nos contulerunt, licet magna, non tantum deferimus, quantum aliis quos nobis adhuc benefacturos speramus: ita mulieres quæuis alia, eò quòd in expectatione & metu sint, præteritis grauiora augurantur.

CAPVT VII.

Contra earundem amorem remedia.



DVERSVS hunc, veluti Palladis ægide tectus, perstabis illæsus, si duo iam inde ab exordio regiminis non pigeat obseruare.

D. Hieron.
lib. 2. Epist.
20.

Primò, sit tibi cum illis sermo in omnibus moderatus & paucus, & qui necessitatem loquendi magis indicet quàm voluntatem. Si namque rectè calculum ponas, omnis amor alloquio nascitur, comprehendit, fouetur. Quid Vlysses, serium alioquin & seuerum hominem, ad eò amabilem Circe, Nymphisq̃ue ipsis, nisi sermo reddidit, & lingua omni melle dulcior?

Non formosus erat, sed erat facundius Vlysses.

Ideoq̃ue antiqui Mercurium cum Venere eodem in templo soliti dedicare; quid nisi significantes sermonem & blanditiam conciliatricem amoris esse? Atque scitè Solon olim nouæ nuptæ præceperat gustato Cydonio malo sponso accumbere: non tam leuem breuemq̃ue illam oris fragrantiam spectans, quàm hanc assiduam blandi aut suauiloquentiam, quâ maritum caperet ac teneret. At non nisi de rebus sacris & seriis, inquires. Esto: omne quod vltra medium est, ad vitium ver-

vergit. etiam sub his rosis, sub his liliis, aliquis anguiculus latet. Quemadmodum enim splendorem lucernæ *S. Antiochus Abbas Hom.* oleum; sic & colloquium mulieris ^{17.} longum, sæpiusque iteratum, ignem voluptatis reaccendit. Nec fortassis tam facile venti quam feminæ hac in re variant, ut à sacris ad profana, à comitate ad petulantiam, ab hilaritate ad lasciuiam faciant secessionem. Habent enim ut linguam, ita aures prurientes; & propensis ad fabulas nunquam potest interrogandi deesse materia, speciosa fortè, sed non expers periculi. Quid? quòd non vna vnâ loquendi de causâ crebrius sacram exomologesin, frequenter, crebriusque Confessarium accersat.

Vbi rursus obseruandum est, ne prudens Rector difficilem se subditis præbeat, néve vnius-alicuius vitio iustam totius societatis indignationem incurrat. Quot enim hinc mala existunt, dum non satis tempestiuè, non satis promptè internis Sororum necessita-

E s tibus

tibus occurritur? Verēcundantur si-
quidem postea arcana sua tentatio-
nesque prodere, difficultate aditus ad
Superiorem perterritæ; quibus solâ
promptitudine succurri poterat. Sed
quia, vti iam dictum est, superfluxæ &
non necessariæ sermocinationes præ-
cidendæ sunt; nec morosi, nec tetrici
hominis nomenclaturam reformida-
bis, si alloquio insatiabiles deprehen-
deris. Quin imò aude palàm edicere:

Mulier, satius est hostis ut fiam tibi,

Quàm si obsequar nunc.

Inclementia Christiano, seueritas pa-
tre digna est, in hoc non nimium esse
indulgentem. Enimuerò summus
amor est, sic odisse. Habearis durus,
dummodò pericula arceantur, benè
est: traducaris tamquam minùs com-
modus & seuerus; si periculo tempe-
stiuè te subtrahas, benè est. Malo cru-
delem cum tuâ alienâque securitate,
quàm lenem, quàm facilem, quàm
omnium horarum hominem cum ali-
cuius periculo mali. Quâ etiam de
causâ

caussa scribit Nauarrus, feminas in congressibus virorum debere benedictionem petere; quò sanctum aliis benè precandi desiderium, inhonestum amorem cohibeat & refrenet. Ridere verò & rideri, vt D. Hieronymus admonet, sæcularibus prorsus relinquendum est: grauitas personas sacras decet. Istius autem hîc memineris, seniores ac prudentiores Religiosas ratione potiùs & humanitate deuinciendas esse, quàm seueritate. Idem de visu, quod de sermone esto iudicium; nam vbi oculus, vt habet parœmia, ibi amor, vbi manus, ibi dolor. Atque hæc ratio Vulcanium quasi scutum est, quo te contra amorem conserues & defendas.

Alterum, vt boni operis exemplo subditis præeas, virtutes factis potiùs doceas quàm verbis; atque tibi reuerà sis, qualem te à Sororibus haberi concupiscis. Hoc pacto illis verecundiam adaugebis, & non modicam tui venerationem incuties: quæ Venus

Verti-

Manual.
cap. 14.
§. 10.

Verticordia profectò est, nec amorem exorbitare finit. Quid enim æquè atque ingenuus timor adstringat? Alioquin sunt nonnulli, qui suadent fame, ignominia, aut etiam laqueo coërcendum. At quia hæc pluribus superius astruximus, horum Lectorem adhuc memorem rursus nihil moneo, nisi sequens Caput huc commodè aduocari posse.

CAPVT VIII.

Nulla à Sanctimonialibus munuscula accipienda, nulla danda.

Lib. 32.
cap. 1.



DE Torpedine pisce scribit Plinius, illum odore, & quadam aurâ sui corporis ita piscatores afficere, ut, si vel procul & e longinquo hastâ virgâque attingatur, quamuis præualidos lacertos faciat torpescere, quamuis ad cursum veloces alligari. Huic non absimiles videntur feminæ, quæ usque adeò grauem odorem pestiferamque auram mune-

muneribus suis afflant, ut quisquis ea
 admiserit, torporem quemdam, & ani-
 mi aliàs intensi & erecti dissolutionem
 induat. Magna, inquit vir doctrinâ & *Scribanius*
 rerum usu celebratissimus, his mune- *lib. 2. cap.*
 rum muliebrium lenociniis integun- *21. Cœno-*
 tur mala, virus suum sparsura accipien- *biarchia.*
 tium damno. Sanè vel sola beneficij
 memoria, fortium etiam virorum cor-
 da emollit ac frangit: ac imperuia antè
 pectora muliebribus substeruit pedi-
 bus, tam mollibus tam dura roborâ:
 quæ nullo dæmonum molimine flecti
 potuerunt, femineo succollant dono.
 magis etiam nocent, si circumferantur
 dona, si frequentius ob oculos versen-
 tur. quæ res minùs castas inducit cogi-
 tationes. & qui nullis antè minis aut
 carnificum terroribus, dæmonumque
 sæuissimis incurribus, nunc ad mulie-
 bria dona ceruices inflectunt. Hacte-
 nus ille. Et quandoquidem crebrior
 affatus, titulusque Filix & Sororis ani-
 mum satis ad amorem proritant, mu-
 nuscula non secùs atque Æoli flabra
 non

*S. Hieron.
Epist. ad
Nepotian.*

non admittes, ne prunæ reuiuiscant, atque prius damnum quàm periculum percipias. Idem ille experiens pariter atque sanctissimus optimarum virginum moderator mōnet, Caueto, inquit, omnes suspiciones, & quidquid probabiliter fingi potest; ne fingatur, antè deuita: muliebria munuscula, & sudariola, & vestes ori applicatas, & oblatos & degustatos cibos, blandasque ac dulces litterulas sanctus amor non habet. *

Sed an muliebris muneris veneno feti vis exemplum? Cùm Medea maximè vindictam contra Creontem Regem spiraret, aliæque publicè se vindicandi occlusæ essent viæ, ad munerum conuertit animum; nec malefica esse potuit, nisi munifica fieret. Atque inde totius ferè aulæ exitium. Quærentique apud Senecam,

Medea.

Quâ fraude capti? —

aptè respondetur;

— Quâ solent reges capi,

Donis. —

Nec

Nec capti modò Reges, sed & regix ædes correptæ flammis, quæ muneribus occulebantur. Nullus Veseus, nulla Ætna tam grande alit incendium. Prudenter proinde Troianus Laocoön immanem illum Græcorum equum, seu machinam, vel ideò fraudis suspectum habuit, quòd Palladi dono esset:

—— *An, inquit, vlla putatis* *Æncid. 2.*

Dona carere dolis? ——

Vtinam ad illa tempora, dicere solebat G. Pontius Samnis, fortuna me seruasset, & tunc essem natus, quando Romani dona accipere cœpissent! non essem passus diutiùs eos imperare. Nisi igitur, ô Rector, imperio euerti velis, de quo mox, munuscula isthæc à te diuerter. Ottho III. Imperator, monitus à S. Heriberto Colonienſi Archiepiscopo, vt caueret ab vxore sibi rebellantis, & postea seuerè puniti Crescentij, non sat cavit: sed pulchritudine mulieris pellectus, primùm amare, deinde blandiri, postea ad concubi-

Cicero lib. 2. de Offic.

Baroniùs ad ann. 1002.

cubitum persuadere: sed nihil obtinuit à callidâ feminâ, nisi pacta matrimonialia intercessissent, atque spes daretur redimiendam diademate Imperatorio. Quod cùm ille votis iam positus, & quasi securus amorum, diutius differret; illa, quod erat, se omni spe destitutam cernens, vela obuertit, tacitoque premens sub corde dolorem (namque, ut illa pessima mulierum dicebat,

*Medea
apud Sen.*

Professa perdunt odia vindictæ locum)
chirothecas veneno infectas Imperatori, nihil nisi delicias & amores meditati, dono misit. Lætus ille gaudensque induit, atque morbum letalem, quo mox miserè confectus interiit. Sed hoc ab irritatâ & odio flagrante. Et amans Deianira Herculem veste, quam dono habuerat, interemit; quemque sæuiens Iuno aliena mulier duodecim immanibus laboribus frangere non potuit, vxor munifica euerit. At bono dolo, & ignara fecit. Certius igitur testimonium à sacris
Libris

Libris accipe. *Melior est*, inquit Sapiens, *Ecclesi. 42.*
iniquitas viri, quàm mulier benefa-
ciens. Minus tibi periculi si vir oderit,
 atque si mulier adamauerit, beneficiis-
 que auxerit. Testor Davidis, prohi-
 miserandum casum. Huic numquam
 Saul occultâ fraude infestisque armis
 tantum nocere potuit, quantum de
 virtute illius Bethsabea blandiens, stra-
 gulisque Babyloniciis molliter illum
 componens, delibavit.

Et quamvis isthæc munuscula nul-
 lum amoris ignem, nullam concupi-
 scentiae prauæ scintillam spirent; liber-
 tatem auctoritatemque magnoperè
 adimunt, ut liberè quæ sentias edice-
 re, securè quæ velis vetare non possis.
 Danti, animos addis, tibi demis. Et ut
 queruntur mulieres semper aliquid,
 aut exprobrant; id eò inuerecundiùs
 faciunt, quò magis se habere aliquid
 putant, quod officiosè, aut amicè, aut
 cum labore suo factum queant dicere.
 Tum quanta hæc inuidiæ area, quan-
 ta æmulationum seges, si reliquæ paria

F

præ-

præstare nequeant? Quantum deinde affectus proprii periculum, ut improbo seu labore seu industriâ acquirant quod donent? quod nisi consequi possint, odium capitale in dantes pariter atque accipientem partientur. Porro, ut omnia alia absint, non mediocrem hæc facilitas contemptum parit. Audi virum primarium ex antiquis: Facile contemnitur Clericus, qui sæpè aduocatus ad prandium, non recusat. Numquam petentes, raro accipiamus rogati. *Beatius enim est dare, quàm accipere.* Nescio enim quomodo etiam ipse qui deprecatur ut tribuat, cum acceperis, viliores te iudicat: & mirum in modum, si eum rogantem contempseris, plus te posterius venerabitur. Cuius mali periculum etiam si abfuerit, conueniendum quandoque erit. Hinc Alcamenes interrogatus, cur à Missenijs oblata munera recusasset, respondit: Quoniam si recepissem, cum legibus pacem habere non poteram.

Quia

D. Hieron.
ad Nepo-
tian.

Act. 10.

Quia verò hæc omnia etiam accidunt, si ipse quidpiam dederis; contrahes manum tuam, nec damna damnis emes. Non sit in toto monasterio præter publicum fortè quoddam donarium, quod Sorores glorientur esse à Rectore. Quid enim tua nisi largitiones interpretabuntur, quibus illarum animos delinire libertateque exuere velis? Et quamvis æqualiter omnibus dederis, calumniæ invidiæque fomitem non auferes: neque enim ex pretio, sed affectu illa æstimabunt, quo te æqualiter ferri in omnes numquam vel ipsa Suada mulieribus persuadebit. Esto, aliquas animum à te auersum gerere intelligas, ne muneribus benevolentiam earum umquam consecrâris: tum enim te non Superiorem, sed ministrum & præbitorem putabunt; ideoque contemnent, faciesque auersione suâ firmiores.

CAPVT IX.

*In primis Reſtori adlaborandum, vt
pacem veramque charitatem
inter Sorores foueat.*



D quisquis aſſequi aliquando
potuerit, haud minori facili-
tate etiam ingentia monaſte-
ria moderabitur, quàm nau-
clerus ſolo clauo plures vectores quò
libet transfert; aut phonaſcus inter
aptè concinentes modos facit, bra-
chiumque mouet; aut Sacerdos plures
de eodem altari communicat. Quia
coniunctorum, quod etiam in gregi-
bus animalium patet, facilis cuſtodia,
ita vt puer paruulus agat eos: at, ſi diſ-
trahantur, & in diuerſa abeant, nec
plures quidem illis cuſtodiendis ſuffi-
ciunt. Quamque pulchritudo apta
membrorum- compoſitione mouet
oculos, & delectat hoc ipſo, quòd in-
ter ſe omnes partes quodam lepore
conſentiunt; tam ſocietas humana
amore

amore & conſpiratione animorum
 concinnè cohærens, homines pariter
 Superosque exhilarat. Deo in primis
 facilem, vt ita dicam, aditum in mo-
 naſteria ſternit. Vbi enim ille hospita-
 bitur, aut quò diuertet, niſi vbi chari-
 tas viget & conſenſio animorum? *Fac. Psal. 75.*
Etus eſt ſiquidem in pace locus eius; &
lubentiſſimè medius inter eos com- *Act. 4.*
moratur, qui in ipſo habent cor &
animam vnā, in quo omnia huma-
na colliguntur, & extra quem omnia
diffluunt. Vbicumq; fuerint duo vel tres *Matth. 18.*
congregati in nomine meo, ibi ſum in
medio eorum, inquit pacificus Rex no-
 ſter, non multitudinem approbans,
 ſed conuenientium vnanimiſſimam
 Quid autem illi loco deſuerit, vbi ad-
 fuerit Deus? Intrauit aliquando Ieſus *Luc. 19.*
 in domum Zachæi, & illicò ipſe om-
 nesque familiares in numerum filio-
 rum Abrahæ adoptati ſunt. quàm
 ignobiles in quantam nobilitatem,
 quàm turpes & egeni in quantum de-
 cōrem, & cæleſtes diuitias? Inuit quo-

Luc. 4.

que cælestis hic medicus ædes Simonis Petri; & febres, quibus socrus illius tenebatur, fugam statim corripuerunt.

Ioan. 11.

Inuisit Marthæ domum, & ad vitæ præsentiam mortuus reuixit: Maria supernæ dulcedine contemplationis perfusa, omnium quæ in mundo sunt penitus oblita, sedebat secus pedes Domini, audiebatque verbum illius, verbum bonum, verbum consolatorium, quod omnes ægræ mentis dolores abstergeret, infinitis audientem bonis cummlaret. Neque enim illius præsentia modò morbos, mortem; aliæque mala fugat; sed omnia bona pariter cum illo comitantur, hospitibusque obueniunt. An non igitur omnibus remis velisque, vt dicitur, annitendum est, vt pax vnitasque in monasteriis seruetur, foueatur? si abacta fuerit, reducatur? Quo zelo, quo dolore, quâ charitate, quàm effusâ humilitate S. P. Augustinus optauit, & pro virili conatus est, læsam pacem D. Hieronymum inter Rufinumque, monasti-

monastices professores, refarciri? vt qui optimè nosset, sine illâ neminem monachi nomen obtinere posse. In hunc modum scripsit D. Hieronymo, quem Rufinus grauissimè læserat: Acerrimis *Tom 2.* dolorum stimulis fodior, dum inter *Epist. 15.* vos cogito tantæ amaritudinis irrepisse perniciem, Heu mihi! qui vos alicubi simul inuenire non possum, fortè vt moueor, vt doleo, vt timeo, prociderem ad vestros pedes, flerem quantum valerem, rogarem quantum amarem: nunc vnumquemque vestrûm pro seipso, nunc vtrumque pro alterutro, & pro aliis maximè infirmis, pro quibus Christus mortuus est, qui vos tamquam in theatro vitæ huius cum magno sui periculo spectant.

Si enim vllibi gentium pax utilis necessariaque, monasteria feminarum numquam destituere potest, siue ipsum coetum, siue singulas spectes. Vidi-
stin' aliquando, proiectâ humo vbi apes volitant, illas turbari toto alucari, quæ alioquin ordinatissimè degunt?

Idem imbecilliori illi sexui contingit: si exiguus aliquis discordiæ & simultatis puluisculus excitetur, inquietantur omnia, maximo tumultu claustra perstrepunt, aulæ Episcoporum & Principum illarum inquietudine inquietantur. Apage igitur ab hoc regimine Æolos istos qui motus cient, qui seminarum dissensionibus delectantur. Vt id Regibus quandoque liceat, qui Proceres sibi à potentiâ diuitiisque suspectos, mutuis armis euertendos committunt, quò illos in ordinem redigant; à monasteriis hæc politia quàm longissimè exulare debet. Dementis est in tranquillo tempestatem optare aduersam; sapientis, quauis ratione exortam sedare.

Rursus veluti vita hominis, est apta corporis animæque vnio; ex vnione pax, ex pace salus existit: quemadmodum è contrario, ex sectione diuisio, ex diuisione perniciēs. ideoque vniuersa omnia, siue naturalia, siue quæ arte constant, quoad eius efficere possunt,

sunt, coniungunt sese & adunant, vnionemque ad sui conseruationem retinent. Non secùs salus monasteriorum à pace mutuâque charitate dependet: quo velut fulcro labante omnia vergunt in interitum, omnia in ruinaeunt. Cùm, inquit summus ille Theologorum apex, anima subtrahitur corpori, cadauer iacet; cùm autem adest corpori, primò condit quodammodò putores. Corruptibilis est omnis caro, in putredines diffluit, nisi quodam condimento animæ temperetur. Cùm pax à monasteriis abit, charitas friget, cœtus omnis languet, vitaque destituitur; viget verò floretque cùm adest, nec periculum est à corruptione peccati. Regnum vitæ in pace & dilectione, regnum mortis in odio & discordiâ: *qui enim non diligit, manet in morte.* Et quo pacto tum regas, pabulo diuini verbi pascas, salubria consilia dones, eisdem legibus sententiisque contineas, quas eisdem septis non potes? Enimuerò id perinde

S. August.
Tract. 8. in
Ioan.

I. Ioan. 3.

Cap. 6.

se habebit, atque si mortuis munera mittas, quæ ipse perdes, illi non recipient. Aristoteles, siue auctor quisquis ille aurei libelli de mundo fuit, scribit, Phidiam clypeo, quem Mineræ dedicauit, aded industriæ effigiem suam intexuisse opere tessellato, ut illâ conuulsâ tota colligatio solueretur: simili modo pax, germana Christi imago, cum in omni societate locum tenet, ut, si ablata fuerit, partes omnes concidant, atque summa turbetur.

Maximè igitur Rectori ad laborandum erit, ut omnes inquietudinis & discordiæ quasi malas herbas euellat, quæ verò pacis & charitatis sunt, omni studio ferere non cesset. Si quid difficultatis inter Præfectam & subditas suppullulet, actutum rescindat; imminentem discordiæ materiam euerrat, exortam sopiat, suspicionum fluctus componat; dissidentias, siue ex verâ siue falsâ causâ natas, abstergat (nam hæc omnia prudens Confessarius potest) animosque dissidentes nouo quo-

quodam beneuolentiæ glutino copulet; consentientes adamantino amoris nexu confœderet. Id autem nequaquam erit difficile, dummodò aliquis virtuti fuerit locus; si orationis mentalis mortificationisq̃ue studia non aspernentur. Si quis enim sacrorum cœtuum *deprecationem* dixerit neruos, meâ quidem sententiâ verum dixerit. Quemadmodum enim corpus neruis cohæret, currit, viuit, stat, & compactum est; adeò vt si neruos incideris, vniuersam corporis harmoniam dissolueris: itidem sanctæ animæ per preces sibi constant, & compinguntur, ac pietatis cursum facile peragunt. Quoniam, vt Apostolus ait, *qui adheret Domino, unus spiritus est cum illo.* cumq̃ue omnes in Deo per feruidam illam mentis eleuationem conuenerint, firmâ sanctâque vnione inuicem innecti necesse est. Quemadmodum vniuersæ creaturæ, licet inter se genere, specie, numeroque sint differentes, vnicum tamen habent esse

in

*S. Chrysost.
lib. de
Orand.
Deum.*

1. Corint. 6.

in Deo, idque præstantius, quam radij in ipso Sole, riui in fonte, virtutes in sapientiâ: ita licet plurimæ fuerint in monasterio, per orationis efficaciam in Deo, cui omnes inhaerent, validè coalescunt: maximè si orationi mortificatio innectitur, & quod pio affectu conceptum est, generosâ manu in opus exeat.

Atque hæc indicasse sufficiat: cautiones auerruncandæ discordiæ sequenti Capite trademus. Sed tamen

Homil. unicâ in lib. Reg. ad illa verba, Erat vir vnus.

prius insignem Origenis locum accipe, quo nostris non absimilia docet.

Vide, inquit, si non hoc ipsum ad laudem pertinet iusti, quod dicitur de Elcanâ, *Erat vir vnus*. Nos qui adhuc sumus peccatores, non possumus istum titulum laudis acquirere, quia vnusquisque nostrum non est vnus, sed multi. Et quomodo plures animi vnus fieri possunt, si sunt varij & multiplices, id est, à verâ pietate remoti, quæ vnica est virtus? Vnde meritò omnes iusti non solum ynum, sed & vnus

vnus dicuntur, sicut Apostolus designauit dicens: *Omnes quidem currunt; 1. Corint. 9. sed vnus accipit brauium.* Vides aperte quia omnes iusti, vnus est qui accipit palmam. Quamdiu in sceleribus versatur vnusquisque, per multa diuiditur; quamdiu aliqua societas vitijs abundat, in partes abit, & in diuersa dispergitur, quæ virtutum studio ad vnitatem redit. Sunt namque eadem studia, eædemque voluntates in his quæ virtutem sectantur, atque vnæqueque alterâ atque seipsâ delectatur, efficiturque id quod Pythagoras vult in amicitia, vt vna fiat ex pluribus.

Cic. lib. 1. Offic.

C A P V T. X.

§. I. *Remedia excludenda à monasteriis Sanctimonialium discordie.*



RÆSENTISSIMA, & quasi à Mithridate contra venena dissensionum theriaca est, commissi secreti tamquam centum clauibus clausa custodia, vt inde

inde nulla vñquam quidquam delibet, nisi quæ deposuerit. Friuola sint licet, & casâ nuce inaniora, permagno feminae æstimant, quidquid virili fidei crediderunt, vt summâ discretionē & taciturnitate opus sit illi, qui recisas omnes querelarum occasiones velit. Ac proinde prima in eiusmodi Superiore prudentis imperij sit, nihil vñquam ex auditis vel ioco recensere.

Cap. 22. *Non duplices*, inquit Ecclesiasticus, *sermonem auditus de reuelatione sermonis absconditi, & eris verè sine confusione.* Et meritò experientes Politici negant, res magnas sustineri ab eo posse, cui filere sit graue. Quamobrem nihil vñquam Sorori de Sororibus narrabis, aut in publicum efferes; sed omnium querimonias, conscientiaē scrupulos, si iis laborauerint, ab utrâque parte multum de se inuicem sermonem, omnem denique verborum supellectilem, apud te veluti quoddam Palladium continebis, adhibitis prudentiâ & taciturnitate veluti custodibus.

bus. Bona fuerint, siue mala; famam exornent, obscuréntve; susque deque mulieres habent, quidquid de se dictum rescierint. Nec usque adeo facile reperire est, quæ etiam meliora in bonam partem interpretetur. Alto igitur silentio omnia etiam eo indigna sepeli; nisi aliud fortè eiusmodi se interserat, quod aliis narratum faciat ad amicitiae redintegrationem vel augmentum. Quâ in re etiam mulier nobis exemplo præluxit. D. Monica inter dissidentes atque discordes quolibet animas, ubi poterat, tam se præbebat pacificam, ut, cum ab utrâque multum de inuicem audiret amarissima, qualia solet eructare turgens atque indigesta discordia, quando præsentis amicæ de absenti inimicæ per acida colloquia cruditas exhalatur odiorum; nihil tamen alteri de alterâ proderet, nisi quod ad eas reconciliandas valeret; & parum illi erat, inimicitias non augere malè loquendo, nisi eas etiam extinguere benè loquendo studeret.

*S. August.
lib. Confes.
9. c. 9.*

deret. Si aliud quidpiam dixeris, quantumvis fido promissi silentij cinere videaris oculuissē, breuī incendium flammāsque discordiæ daturum est. Nam non est genus hominum quod silentium fidemque magis exigat, minus præster. Vix enim vlla est, quæ non aliam habeat, cui tantum credat, quantum ipsi creditum est: & hæc rursus alteri eadem ex stipulatione committit, donec illud tandem quidquid dixeris, ceu pluuiæ tectis excepta, quæ ex vnâ in aliam tegulam imbricemque dilabitur, atque in publicas vias decedit, toti monasterio innotescat. Atque tum in Rectorem veluti totius turbæ auctorem, & qui nihil apud se repositum retinere possit, malignâ obtrectione insurgitur; & quamuis ipsæ certatim narrauerint, ab ipso vno omnibus dicta volunt.

*Sophocles in
Trachin.*

Proinde caue vlla suo te subdat femina regno:

Nec quæ corde latent cuiquam face ut omnia credas.

Provi-

Prouidè Antiqui: Nec mulieri, nec gremio credendum; quasi tam facile illis audita excidant, quàm illa quæ gremio reposita sunt, quorum obliuiscimur. Vnde M. Tullius silentium promittens aiebat: In sinu est, nec discingor.

Nec vna, nec semel hac in re cuniculos ager, vt sequestrum hunc sequestrorum parietem suffodiat. Nam tanti se vnaquæque fieri existimat, quantum de alijs narraueris. Tum nulli ferè alteri rei feminæ vacant, quàm vt noui semper aliquid vel audiant, vel dicant.

§. II. *Remedium alterum.*

Altera tuendæ pacis concordia-
que ab oraculo D. Hieronymi
sit cautio: Vt omnes puellas & virgi-
nes Christi aut æqualiter ignores, aut
æqualiter diligas. Quæ paulò fufius
explicat S. Bonauentura: Licet, inquit,
meliores in affectu præferendæ sint
minoribus, & omnes propter spem

*Lib. 2.
Epist. 12.*

*Lib. de Sex
aliis c. 6.*

G

salutis

salutis in Christo amplectendæ sint; in actu tamen exhibitionis exterioris taliter Superior se gerat ad omnes, ut nulla se ab eo contemnî propter alias suspicetur: sed quælibet ab eo se diligî præsumat, & fiducialiter ei quasi singulari amico confidat, ne alicui indignatio & invidia in alias nutriatur: sicut fratres Ioseph, qui oderant eum quòd à patre singulariùs amaretur. Præclare Seraphicus Doctor.

* Quot rixarum, æmulationum, contentionum, odiorum fomites nati; quòd aliqua à Confessario plus ceteris diligî tantum putaretur? Cuius certissimum atque evidens testimonium mulieres esse volunt longiores confessiones, frequentiores affatus: nec aliud requirunt auctoramentum sensualitatis. Et quamvis nullam vel idèd plus diligas; cui tamen id tribuitur, animos plerumque inde sumit, aliasque præ se non parum despicit; aut, quod hîc minimum, inanis gloriæ titillatione afficitur. Aliæ autem concordibus

bus odiis in vnam armantur: Aut, in-
quiunt, nos omnes malè confessionem
instituiamus, quibus tam exiguum
temporis conceditur nostris enarran-
dis; aut illi aliquid supra confessionis
integritatem indulgetur. Et, An nos
reiectionem, minúsve dignæ quibus
Superior non paria præstet? Illi igitur
soli viuit, illi soli defudat? Et tum, si
nulla occasio calumniandi se obtule-
rit, inuestigabunt; si verè criminari
non potuerint, falsa comminiscuntur.
Ac proinde,

Suspecta ne sint, longa colloquia am- Sen. Me-
dæa.
puta.

Nimij doloris, prauique zeli exem-
plum habemus in Sarâ, sanctâ alioquin
feminâ, superbix in Agar. De quibus
ita D. Ambrosius: Quod si, inquit, Lib. 1. de
Abrah.
Sara moderationem non tenuit, quæ
tenebit? Ideoque scriptum est: *Et af-* Genes. 16.
fixit eam Sara, & fugit à facie eius.

Duo sunt quæ comprehendit Scriptur-
a, vt & dominæ grauem indignatio-
nem exprimeret, & ancillæ tumorem

& superbiam. Quòd afflixit eam Sara, ad iracundiam affligentis refertur. quòd Agar fugit, contumeliam serui patientiâ non ferebat, quæ sibi herilis contubernij vindicabat fastigium: indignata est iniuriam, quæ induerat insolentiam. Et vt illa, cui plus ceteris deferre videris amicitiae, apud Superiorem sibi non vindicet fastigium; aliæ Saræ iracundiam imitantur. Quamuis autem tibi etiam fortè facti tui constent rationes; illis non approbabis, quæ tantum se deprimi existimant, quantum alteri detuleris; nec officij necessitatem, sed immoderantiam affectus interpretabuntur. Quamquam non ita semper maledicarum seruiendum est linguis, vt officium intermittas; non modica tamen cautio adhibenda, vt veluti Sol in omnes æqualiter lumen doctrinæ spiritualis diffundas. Quod enim Cicero vniuersim de Republicâ statuit, etiam in hoc paruo regimine locum obtinet: Omnino, inquit, qui Reipublicæ

blicæ præfuturi sunt, duo Platonis præcepta teneant: vnum, vt vtilitatem ciuium sic tueantur, vt quidquid agunt, ad eam referant, obliti commodorum suorum: alterum, vt totum corpus Reipublicæ curent; ne, dum partem aliquam tuentur, reliquas deserant. Vt enim tutela, sic procuratio Reip. ad vtilitatem eorum qui commissi, non ad eorum quibus commissæ est, gerenda est. Qui autem parti ciuium consulunt, partem negligunt, rem perniciosissimam in ciuitatem inducunt, seditionem atque discordiam. Ex quo euenit, vt alij populares, alij studiosi optimi cuiusque videantur, pauci vniuersorum. Hinc apud Athenienses magnæ discordiæ ortæ; in nostrâ Repub. non solum seditiones, sed pestifera etiam bella ciuilia. Quæ grauis & fortis ciuis in Republicâ dignus Principatu, fugiet atque oderit, tradetque se totum Reip. Neque opes aut potentiam consecutabitur, totamque eam sic tuebitur, vt

102 . I. MANTELI ARS ARTIVM
omnibus consulat. Monita, quæ nisi
Platonis forent, diceret esse è tripode:

§. III. *Tertium Remedium.*

DEinde, ne quid facile, ne quid
subitò, in iis quæ Monasterio
longâ consuetudine propria effecta
sunt, immutes, aut novas ordinatio-
nes introductas velis. Quid aquâ le-
uius tractabiliusque, si labi eam con-
sueto aluedo sinas? Quid verò gravius
magisque impetuosum, si obstruas &
aliorum fluere velis? cum murmu-
re & indignatione stagnat, & quâ da-
tur perrumpit. Non secus femina, le-
ues aliàs & placidæ, si illarum volun-
tati oblucteris, graues exurgent in-
iras, & integros indignationis fluctus
voluent. Si autem necessitudine qua-
si adactus, quæ vis paullatim instillaue-
ris, non simul infuderis; assuescent
patientiæ, ferendoque paullatim ipsis
fiet leuius, si non statim summa exi-
gantur. Prudentissime à paruis initiis
per

per mediocria ad magna peruenitur. Quod qui hactenus neglexerunt, etiam si zelus eorum non omnino improbandus sit, experti testari possunt, quor qualesque hæc res turbas dederit, sit datura; non opportuno tempore, non eo quo debuerunt modo quædam à Sororibus fuisse exacta. Quapropter, uti sæpius audiui monentem insignem quemdam Confessarium ex Ordine Cisterciensi, numquam prudens Rector aliquid mutabit, vel de nouo statuet citra consilium & voluntatem Prælatæ, & melioris partis Monasterij: sed seniorum prudentiorumque sententiam, non quasi consilij illarum indigus, exquiret; sed quia necesse est ut approbatrices illius quod ordinatum voluerit habeat, quò earum auctoritate, veluti filum acu, introducatur; ceteræque iam factum potius sciant, quàm faciendum metuant. Non enim plerumque femina decreta, quòd bona sint, laudant; aut, quòd mala, vituperant: sed quia illa

ipsæ vel approbent, vel respuant. Imò instar vlcera attingi ne medicâ quidem manu possunt, sine magno doloris sensu & eiulatione: nec id pensi habent, vtrum sanare eas velis; sed hoc tantum querulantur, se ferendo quæ imposueris non esse. Nec enim ratione quasi certo duce vtuntur, sed eo quò affectus inclinât: & quamuis exagitados animorum motus auctoritate vel metu aliquamdiu reprimere possis; at non excides. Quæ igitur essentialibus, vt vocant, votorum, aut Regulæ non aduersantur, ipsarum potius electioni & voluntati relinques, quàm iudicij arbitriique tui, licet sanioris, facies. Neque enim, vt Cicero ait, attinet naturæ repugnare, nec quidquam sequi, quod assequi nequeas: præstatque vt ferendo, atque aliquid de iure tuo remittendo, te meliorem facias, quàm plures frustra fatiges, quæ affectibus suis imperitare non possunt. S. Loyola monebat, omnem contentionem cauendam esse;

ac

*Lib. 2. de
Offic.*

ac profitebatur, vnum gradum profectus se malle sine eâ, quàm cum eâ plurimos.

CAPVT XI.

• *De libertate confitendi.*

NON incongruè difficultas isthac huc reuocari posse videtur: Vtrumnam illa Sanctimonialibus, quod quidam valdè volunt, promiscuè sit concedenda; an in arctum nimis, vt alij sentiunt, restringenda. Qui dum extrema sectantur, à casu potius, & bonâ forte est, quàm illorum iudicio, si prosperè tranquilleque omnia succedant. Et quamuis difficile sit aliquid certi hac in re statuere; attamen, omnibus maturè perpensis, aliquantum magis ad illos inclinor, qui confitentium imbecillitati & verecundiæ fauent. Quodque D. Hieronymus quoad ornatum corporis feminis indulget, id in negotio Confessionis sta-

G 5

tuen.

*Epist. de
Educat.
Pacatula.*

tuendum censeo. Philocofimon, inquit præclarissimus Doctor, genus femineum est: multasque etiam insignis pudicitiae, quamvis nulli virorum, tamen sibi scimus libenter ornari: quin potius habendo satietyr Pacatula, & cernat laudari alias quæ ista non habeant: meliusque est, ut satiata contemnat, quam non habendo habere desideret. Tale verò quid & Israelitico fecisse vides populo Dominum, ut cupientibus Ægyptias carnes, usque ad nauseam præberet examina coturnicum. Multosque sæculi reperiēs homines facilius carere expertâ corporis voluptate, quam eos qui à pueritiâ libidinem nesciant. Quod nisi S. Hieronymus diceret, non assentirer: manifestum siquidem est, plus molestiae, periculi & tentationum esse ab vnâ voluptatis experientiâ, quam à fame illâ quam virginitas patitur, à falsâ maioris delectationis apprehensione, à defectu considerationis dolorum & ærumnarum, quæ

quæ nuptias excipiunt. Sed, his omis-
 sis, quod instat prosequamur. Ecqua
 aptior collatio dari queat, quàm San-
 ctimonialium cum electo illo & deli-
 ciis cælestibus abundante populo?
 Pascebatur is panẽ cælitus emissio, cui
 omne suauitatis delectamentum in-
 erat; & tamen post aliquantum tem-
 poris ad illum nauseabat, vocabatque
 per contemptum panem leuissimum.
 Quâ ita exprobrantis inuerecundâ po-
 puli lasciviâ Deus grauiter offensus,
 tantam illis copiam volucrum pluit
 de cælo, vt illas etiam præ saturitate
 aspernarentur. Pari modo nonnum-
 quam sacræ illæ virgines, quamuis
 benè & abundanter habeantur quo-
 ad negotium Confessionis, veluti de-
 liciarum saturæ, alios atque alios con-
 scientiæ non tam cognitores vel arbi-
 tros, quàm assensores & pedaneos
 quærent: donec sterilibus & exsuc-
 cis coturnicum carnibus aliquamdiu
 pastæ, non panis quotidiani, sed sto-
 machi vitium deprehenderint. Adeo-
 que,

que, vti ex S. Hieronymo dicere inceperam, querulis istis & inquietis tot tantique concedendi sunt, vt habendo fatientur, & cernant laudari alias, maioresque in virtute progressus facere, quæ ista non requirunt; meliusque est, vt fatiatæ mutationibus contemnant, quàm non habendo habere semper desiderent. Et quidem hoc eò vsque, vt vel pudefactæ culpam emendent, vel mutationibus numquam saturandæ ceteris ludibrium debeant. Sed hac cautione id concessero, vt ne Absalomo, dissensionum & rebellionis aduersus optimum patrem auctori, similes se insinuent, qui oleum igni affundant, tententque & venentur obsequijs, vt ille, corda filiarum Sion. Istud periculum si abfuerit, multò minora, multoque pauciora mala, ab aliquali conniuentiâ, quàm à rigore illo plusquam Rhadamantheo existere arbitror. Non enim libertatis huius ianua ita occludenda, vt eam benignitas Superioris, Sororum-

rumque necessitates aperire non possint : nec ita referenda , vt illâ abutentibus ad suum ipsarum damnum promiscuè pateat. Quæ tamen omnia ad calculos iudicij & prudentiorum limam lubens volensque remitto. Sed prô ! quàm non modicè dolendum est, quosdam non hoc agere vt subditis consulant , sed ignauiam suam vitiaque abscondant ! qui vel ideò neminem vmquam ad Sororum Confessiones audiendas admittunt, quò aliorum comparatione quàm parum sincerè prudenterque hoc munus administrent , nūquam palescat in vulgus. Sunt enim, illorum culpâ, quæ non vnâ quasi Ixionis rotâ excarnificantur, & continujs mœroribus emoriuntur. Sunt quibus hæc Superiorum inclementia longam tabem , nullâ ope Apollineâ medicabilem , accersat. Vt nihil de iis dicam, quæ verecundiâ prohibetæ, aliquod in Confessione crimen subticent ; & ne deprehendantur, cum reatu peccati mor-

mortalis ad sacras epulas seingere non verentur. Quantumcumque enim benè manus tuum administres, si mulieres nimis severum, nimis superciliosum conceperint, aut quacumque ex causâ diffidant, frustrâ erunt cetera omnia: adeò ut nisi externum Confessarium concesseris, qui in deteriora semper prolapsuras sistat, grande perpetuæ damnationis subfuturum sit periculum. Quoque magis vel vnius infirmitati subueniatur, etiam omnes ad confitendum externo adhortandæ sunt, ut securius lateat.

CAPVT XII.

Varietas linguarum excludenda.



ETERVM optandum omnino foret, quidquid externi reclament, omnia monasteria muliercularum esse labij vnius, & sermonum eorundem. Ex hac siquidem diuersitate primam generis humani dissensionem ortam quis igno-

ignorat? & quamuis sub eodem climate nati, non modò eâdem terrâ sed cespite viuamus; si tamen linguæ varient, etiam mores viuendique rationem aliorum abire? vsque adeò, vt non tantum inter priuatos homines, sed integras regiones, contentiones dissidiaque pariant diuersa linguarum symbola. E contrario, vnitas linguæ, pacis & concordiaë basis quædam est seu fundamentum, quæ homines conciliat inter se, coniungitque naturali quadam societate. Si namque, vt diuinus Plato scribit, duo fiant sibi mutuò obuiam, neque præterire, sed simul esse aliquâ necessitudine cogantur, quorum neuter norit linguam alterius; facilius sibi animalia bruta, etiam diuersi generis, quàm illi, cum sint homines ambo, sociantur. Quando enim quæ sentiunt, vicissim communicare non possunt; nihil prodest ad sociandos homines tanta naturæ similitudo: ita vt libentius homo sit cum cane suo, quàm cum hominè alieno.

alieno. Similiter in legitimo iustoque imperio, quod à proposito nostro non longè abit, minùs dicto audientes erunt subditi, si Princeps, qui in plurimas dominatur gentes, non etiam omnium gentium quas suo complectitur imperio, lingua loquatur. oratioque Principis, quæ plurimùm valet ad conciliandos subditorum animos, si non intelligatur, omnes ab eo auertit & alienat. Vnde Mithridates, ille clarissimus Ponti Rex, tribus maximis bellis à Romanis victus & fractus, tamen amicos suorum animos, & ad parendum paratos, semper habuit, quòd unicuique genti suâ vernaculâ loqueretur. Ferunt enim, hunc Regem viginti & duarum gentium, quas sub ditione habuit, linguas percalluisse, cumque earum omnium gentium viris non vñquam per interpretem egisse; sed vt quisque ab eo appellatus fuit, ita etiam linguâ eius, tamquam gentilis ei fuisset, locutum esse. Quantum autem linguæ similitudo habeat

*Val. Max.
lib. 8. c. 7.*

habeat momenti ad pacem retinendam stabiliendamque etiam inter paucos, ex D. Cypriano audiamus: Post Christi, inquit, ascensionem in cælos *Lib. de Spiritu sancto.* Spiritus sanctus visibiliter super Apostolos in linguis igneis apparuit, & instar prioris sæculi vniuersitatem fidelium vnius labij esse voluit; vt quorum erat *cor vnum, & anima vna,* *Act. 4.* vna esset & lingua: nec posset impedire intellectum credentium aliqua diuersitas verborum, sed Euangelica doctrina propriâ linguâ prolata ad omnium auditum eandem efficaciam obtineret, vt Græcis & Barbaris, omnibusque gentibus verbum Euangelij sic esset intelligibile, ac si eorum auribus linguæ, in quâ nati erant, idiomata resonarent. Aderant Medi & Ælamitæ, Mesopotamiam incolentes, Arabes, & alij. his omnibus dum Hebræâ linguâ Apostoli prædicarent, locutio Iudaica enuntiationis suæ articulos cursu consueto euoluens nullo exponebatur interprete: sed verbo

H eorum

eorum per Spiritum sanctum inerat
 virtus & gratia, vt habitantes Pontum
 & Asiam, suam esse dicerent linguam
 quam audiebant, quasi primiti-
 vae linguae integritas ad suam reuer-
 sa originem, confusionis contumeliam eua-
 sisset. Atque hæc hætenus ex mente
 S. Cypriani, cui lubens subscribo; &
 quæ huius restant, aliis expendenda
 relinquo. Et vt multæ virgines externa
 idiomatica addiscant, sed exterorum
 mores sententiasque non induunt: nec
 affectus, sed loca mutare possunt: lin-
 guam facilius corrigunt quàm men-
 tem. Dumque vnaquæque lubentius
 cum conterraneâ, & quam linguae si-
 militudo commendat, congregatur,
 consiliaque fidentiùs miscet, ab aliis
 auersio fieri necesse est; & hinc se-
 cessiones litesque in monasteriis. Atque
 utinam non plura huius rei, eaque fu-
 nestæ, vidissemus in Belgio nostro ex-
 empla! Sed, vt dixi, hæc altiùs ex-
 pendenda aliis dimitto, atque in tempore
 manum tollo de tabulâ.

CAPVT XIII.

*Qualiter in audiendis accusationibus
& correctionibus Sororum pro-
cedendum sit.*



ID quod non Hebræorum
modò, sed & omnium,
*Quot sunt, quotq; fuerunt,
posthac quotq; futuri,*
sapientissimus diuinam Maiestatem
deprecaturis denuntiat, alludens ad
factum Moyfi: *Custodi pedem tuum in.* Eccle. 4.
grediens domum Dei: id est, Vide vt
tam compositus præmeditatusque sit
ingressus tuus, cum templum oratu-
rus intras, atque si nudis pedibus cum
Moyse, dum ex rubo ad videndam Exod. 3.
grandem illam visionem vocaretur ab
Angelo, terram spinis & tribulis obsi-
tam esses calcaturus: aded non deceat
vt fracto dissolutoque gradu, quasi in
theatrum aut ad prosedàs, ita tem-
plum Dei ingrediaris. Idem vt facias,

per anālogiam quamdam te hortor atque moneo, vt cogniturus Sororum caussas, cum curā & anxietate pro tribunali sedeas, teque versari inter linguarum aculeos, vepresque morsificationum, seriò tibi persuadeas; ideoque iudicij tui sententiam diutiùs libes, ne impingas. Ne, inquam, technæ accusantium feminarum, quæ præsentius quàm spinæ pungunt lacerantque, te eò abducant præproperâ persuasione, vnde postea non nisi cum dolore & serâ pœnitentiâ sit regressus. Etiam in paruo hoc, vt ita dicam, regno suus veteri isti dicto locus est: Nervus & artus imperij sunt, non temerè credere. Et, vt P. Syrus ait,

Ad pœnitendum properat, citò qui iudicat.

Quantam Constantinus, alioquin per omnia Magnus, maculam intulit gloriæ suæ, quantum Imperio damnum, sibi luctum accersivit, dum femina nimis credulus citiùs quàm oportuit fidem præbet, & Crispum
filium,

filium, florem iuventutis Romanæ, delicias orbis, laureâ triumphali adhuc virentem, à nouercâ stupri insimulatum, præcipiti iudicio tolli iubet? Quàm æquo iure Putiphar Ægyptius nimix credulitatis arguitur, qui ad vnicam feminæ delationem, innocentissimum iuuenem tam tetro diuturnoque carceri mancipauit, ferro inclusit? Alios omitto innumeros.

Atque vt certius euentiusque intelligas, te inter spinarum, id est linguarum, aculeos versari, teque hinc incedere

— per ignes

Suppositos cineri dolosa;

Horat. 2.
Carm.

firmiter tecum statue, nullam etiam piam, & modestam, & prudentem feminam immunem esse à passionibus, magisque ab his omnes impelli, quàm à ratione; & quæ hanc sequantur, affectus etiam suos interferere. Plurimæ aliarum vitia proferunt, non quò emendent, aut alienæ salutis consulant; sed naturæ, quæ loquax &

H 3

malc-

maledica est, obsequantur. Ut galli gallinacei naturâ suâ pugnaces cum quouis alio inimicantur: ita istis voluptatum quoddam genus est scire quod aliis impingant; atque inter ingenij felicitates numerant, si inuenire possint quæ conuellant. Aliæ his peiores, inuidiâ litidæ, alienam felicitatem ferre non possunt; dumque desperant se eò famæ vel dignitatis posse conscendere, quò sociæ peruenerunt, occultis machinationibus falsisque criminationibus illas eunt detractum, ut in ordinem suum redigant. Quod uilium admodum hominum est, & laudem suam quærentium, alias viles faciunt, quia alterius vituperatione se laudari putant; quæque suis meritis eminere nequeunt, eminere volunt in comparatione peiorum. Et quò facilis certiusque id obtineant, primum seniorum quarundam & auctoritate pollentium animos falsâ persuasione imbuunt: quæ huius peruersitatis ignaræ, & zelo honoris monasterij

nafterij flagrantes, contra innocentem ex charitate agunt, nesciâque alieno odio famulantur. Tum inter eas animo tam amaro & exulcerato aliquas reperire est, vt etiam falsa de se crimina, atque cum iis, quas euerfas dignitate volunt, commissa confingant propalentque: & quia ipsum rationis lumen vindictæ cupiditate ceu nebulâ quadam obducitur, nec tanti proprij honoris iacturam æstimant, quanti integritatem contaminasse aliarum. Prudenter & appositè ad dicta Augustum Mæcenâs olim monuit: Permulti vel odio aliorum, vtpote bona eorum affectantes, vel in gratiam quorundam (quod velim notes) vel irati ob postulatam & non acceptam pecuniam, falso crimine seditionis tentatæ, aut contra Imperatorem alicuius facti vel dicti improbi, eos onerant. Ideoquæ non temerè fides eis est adhibenda; sed, omnia, etiamsi crimen quasi notorium illorum delatione fuerit, accuratè exa-

minanda. Quòd si tardiùs fidem adhibueris, nullo tuo magno fiet damno; festinando autem fieri potest, vt peccatum aliquod irreparabile admittas. Quid potuit ab Ethnico homine meliùs proponi in exemplum?

Sunt etiam quæ, vt scarabæi excrementis & stercore pascuntur equino, ita ex aliarum afflictatione & pœnis voluptatem hauriunt. Namque, vt Ouidius ait,

Lib. 1. de
Arte.

— *cura est sua cuique voluptas,
Hæc quoque ab alterius grata dolore venit.*

Spiegelius
in Lexico
Iuris, verbo
Accuso.

Ideoquæ planè videas, vt quidam Iurisperiti accusationem definiunt, conso-
dales suas accusare velle, id est apud iudicem percutere, & quasi malleo ad incudem pertundere, vt in quam velit illa quæ accusat, formam rea redigatur. Hinc quidquid illis animus atro-
tristiquæ humore oppressus dictauerit ex quacumque suspitione, pro indubitatis haberi volunt; & nisi quasi præiudicio quas improbant damnaueris,
iusti-

iustitiæ præuaricatorem liberiusculè
proclamabunt ; tantoque acerbius,
quantò illa in quacumque societate
magis necessaria est virtus. *Res mulie-* *In Phœniss.*
rum, inquit Euripides, *vituperandi*
cupida est naturâ. Res mulierum Græ-
câ phrasi, quasi Latinè diceremus,
Mulieres naturâ proclives sunt ad vi-
tuperandum.

Nec multum etiam ad pondus ac-
cusationis addet, quòd plures vnam
aliquam impugnent. Vix enim in mo-
nasteriis reperiēs, quæ non aliquas sibi
addictas, & ceteris familiariores ha-
beat. quas omnes idem sentire, idem
velle, nolle, idem loqui, lex societatis
est; quam etiam in iis, de quibus pru-
denter dubitaueris, transgredi non li-
ceat, nisi breuem familiaritatem in
odium sempiternum commutari ve-
lis. Adeò tyrannica res priuata socie-
tas. Hinc tam suspectos habebis ma-
gnos illos accusandi apparatus, vim-
que leoninam, quàm à blanditiis &
fraude vulpinâ tibi in tempore ca-

H s

uendum

uendum est. Sunt enim quæ plurima in ijs laudent, quas maximè vituperatas cupiunt; rosam ostentant, spinam occulunt: & ubi multa præclara blandiendo dixerint, caudâ narrationis instar scorpionum feriunt, virusque letale iaculantur, eò nocentius, quia & illud falsâ alieni lapsus commiseratione obnubunt. Quarum iniquitas maxima, quia tum cum maximè fallunt, id tamen agunt, vt bonæ appareant. Et te versari inter sentes & spinas adhuc negabis?

At non sic omnes feminae sunt, inquires. Fateor. & prò dolor! si omnes eiusmodi essent. Sunt multæ prudentes, piæ, timoratae, quæ veluti astra quædam etiam sexui nostro prælucent. Sed tamen quàm non vni, si de accusando agitur, immoderatioz zelus salutis proximi, amorque nimius erga Religionem suam imponit? Dum enim valde illius damna metuunt, impendere credunt; eoque ferè narratis tantum, & variis coniecturis elicitis adhaerescunt:

rescunt: quoque maiore affectu in alienam salutem feruntur, tantò periculi metu faciliùs metuenda credunt. Et quæ denique mulierum non prònum, non secundum ad suspensiones pectus gerit? Quibus ut plurimum si tantum nititur accusatio, quàm lento pede ad ferendum iudicium procedendum erit? Quapropter etiam verum erga Ordinem proximique salutem zelum non tam ardore quodam amoris, quàm stabilitate & constantia iudicabis.

Nec ad accusationem multò faciet probabiliorem, etiamsi millies sanctè testetur, id se ex nullà animi perturbatione, nullà consodalis auersione dicere, sed bono illius totiusque monasterij compendio. Verba sunt in ore nata; corde sæpè sæpiùs aliud repositum gerunt. Quod tum elucebit, si iudicium tuum suspenderis, si non omnibus, quasi de delatricis fide dubitans, illicò assentiaris; quia, ut prudenter P. Syrus,

Diffi-

Difficilem oportet aurem habere ad crimina.

Tum verò atræ bilis balneo innatare, tum magnos iræ & indignationis fluctus voluere videbis; quod à liquidâ animi tempestate, à Christianâ charitate quàm longissimè remotum esse debet. Etenim qui studet humanæ infirmitatis emendare vitia, ipsam infirmitatem suis humeris sustinet; & quodammodò ponderat secum, non quasi indignans abiicit. Adeò vndicumque spinarum aculei imminet, vt nec ipse ericius tot habeat, quot lingua feminea.

C A P V T X I V.

Calumnia eliminanda.



INORIS ceteris æstimabis, nedum fidem his adhibebis vniquam, quæ plaustra narrationum de consodalibus, de rebus monasterij aduehunt, nec à se quidpiam reprehendi velle asserunt, cum

cùm omnia vel maximè reprehendant & calumnientur. Consiliariæ cuiusdam speciem, siue Consulis præse ferunt, quæ Reipublicæ curam habeant, congruâque instructione ipsum Rectorem firmare velint: interim rem suam agunt, alienam dubiis criminationibus euertunt. Si è Republicâ, magis è monasteriis proscribenda calumnia: quæ si toleretur, monasteria esse desinent, fientque potius diffidentiae palæstra, odiorum seminarium, acerbitatis & amarulentiae hypotheca. Accusare quidem liberum sit; sed calumniæ præcidantur.

Differunt autem accusationes à calumniis; quòd calumniari vnusquisque quemcumque, & vbicumque possit: neque ad id probandum quod impingit aduersario, probatione vllâ aut testibus vtitur. Legitima accusatio partes habet, pleneque exhibet probationes & testes; nec potest institui nisi coram Superioribus iurisdictionem habentibus. Quod aliquanto quàm calu-

calumniari difficilior. Quare eiusmodi narratrices, quæ à calumniandi licentiâ non multum absunt, non audies nisi ut istud eas malè agere admoneas. Alioquin magna hæc facilitas turbas excitabit: & illa quæ ita delata fuerit, in auctorem inquireret; si certò deprehendere nequiverit, plures iniquæ delationis infimulabit, omnes auersabitur, odio unius, à quâ structa calumnia. *Mandavit, fateor, Deus unicuique de proximo suo.* sed ita, ut post priuatam alteram correptionem, ad Ecclesiam, id est Superiores, Sorores deferantur: quæ etiam si peccauerint, Sorores esse non desinunt, ut magnam ei quæ accusat impositam esse necessitatem dilectionis intelligas. Atque hinc manifestum euadit, ecquæ Christiano, id est sororio & benigno, in ream sit animo; si nimirum cum animi moderatione, cum extenuatione culpæ potius quàm morosa exaggeratione circumstantiarum, simplici oratione explicet, quod celari non debet,

Eclli. 17.

bet, quod dicere ratio charitasque postulant: si facili beneculoque auditu mitiorem facti interpretationem admittat, si poenam citò non deponat. Alioquin, vti dictum est, hæc calumniandi licentia non modò monasteria, sed integras Respub. funditus euertet. quemadmodum nonnulli domestici testes scribunt, florentissimam Rempubl. Florentinorum non aliâ de causâ emarcuisse, quàm quia neglecta iusta accusatio, tolerata calumnia.

Quò verò contra hos linguarum aculeos tutior sis, in omni accusatione primùm inquires in auctorem, qualis illa sit, quo animo, quo fine, quibus indiciis accuset. Vtrùm talis aliqua, quales suprà descripsimus: an ex perturbatione animi, an consultò id faciat: finis accusationis an à regulâ veræ dilectionis non recedat: vtrùm ipsa viderit, audierit, an tantùm ab aliis visâ, audita, narret. Si ab alijs, illæ rursus idem interrogandæ erunt, donec

nec ad primam perueniatur. At si qua affirmet se quidem ab aliis audiuisse, sed auctorem prodi nolle; meritò leuitatis & mendacij suspectum habebis negotium. Cùm enim nonnullæ pessima de consodalibus dici optent, nec fingere audeant pœnarum metu, ab aliis quasi diuulgant, quâ impunè liceat esse improbis.

CAPVT XV.

In dubio qualiter agendum.

I quidpiam eiusmodi occurrat, quod partibus vtrimque non perfunctoriè auditis dubium remaneat, neque quidpiam certi in alterutram partem statui possit; ideoque Sorores in partes eant, valideque velint sibi vtrimque administrari iustitiam; tunc vel maximè suspendendum erit iudicium. Atque ex consilio meo imitaberis Dolabellam Romanum, Atheniensesque Areopagitas; quantæ prudentiæ,

dentia, quàm felicitis regiminis viros!
 De illis siquidem scribit Valerius
 Maximus: Cum materfamilias Smyr-
 na virum & filium interemisset, eò
 quòd ab his optimæ indolis iuuenem,
 quem ex priore virò enixa fuerat, oc-
 cisum comperisset; hanc rem ad Do-
 labellam delatam, eandemque ab eo
 Athenas ad Areopagi cognitionem
 relegatam: quia ipse neque liberare
 cædibus duabus contaminatam, ne-
 que punire eam iusto dolore impul-
 sam, sustinebat: Areopagitas quoque,
 inspectâ causâ, & accusatorem
 ream post centum annos ad se reuerti
 iussisse, eodem quo Dolabellam affe-
 ctu motos. Sed ille transferendo quæ-
 stionem, hi differendo, damnandi at-
 que absoluendi inexplicabilem cun-
 ctationem inuitabant. Alterutrum
 huius facti imitare, vt tempus fluat,
 atque longiori morâ inæstuans mu-
 lierum animus, ad temperiem quam-
 dam deducatur. Neque tum erit dif-
 ficile exacerbatorum animorum mo-

tus componere, quasi re Lethæis aquis submersa: ipsæque partes difficultatum pertæsa, tacitè iustitium approbabit. Quæ si implacabiles omnino erunt, atque vtrimque pro administrandâ sibi iustitiâ instent; plures à probitate & prudentiâ notos in consilium adhibe, precibusque & tuis & aliorum felicem rei exitum à Deo sollicita. Et quamvis tum secus alea cadat, nihil tibi imputari potest; fecisti quod debuisti, quod potuisti: etiam te sapientiores in similibus lapsi sunt.

Vbi verò tam liquidis testimoniis, indubitatis loci, temporis, facti circumstantiis eò accusatio perducta est, ut rea tergiuersari nec possit nec velit; ante omnia consulendum est honori verecundiæque muliebri, ne nimia pudoris purpurâ perfusa illius loco mox impudentiam induat, ingenuis-que color abeat in furorem. Sæpè enim, ut Agrippa olim monebat, quæ verecundius deliquerunt, accusatæ insolentiores fiunt. Propensior igitur beni-

*Apud He-
gesippum
lib. 2. c. 9.*

benignitas erga calamitosas induenda, extenuandumque delictum coram aliis; humanæ imbecillitati, non malitiæ, adscribendum: quoque ceteræ huic facilius dent veniam, clariùs ostendendum est, ipsis quoque aliquando veniâ opus esse; his quandoque non absimilia etiam aliis accidere; nec fortitudinis esse propriæ si subsistant, sed prouidentiae & gratiæ diuinæ; nullam aliam tam graues tamque diuturnas vmquam perpeßam tribulationes, quibus mirum sit si etiam fortissimi doctissimi que viri non succumbant.

Deinde si verbis castiganda est, id sedato animo breuique ac suaui orationis decursu fiat; quo planè intelligat, non ex reprehendendi desiderio, sed iniuncti amoris necessitate fieri. Et quamuis seueritas viro digna induenda sit; ab omni tamen grauiori motu prorsus abstinendum est, vt neque asperitate exulcerentur subditæ, neque nimiâ benignitatē soluantur.

D. Greg.

*Lib. 1. de
Offic.*

fit amor, sed non emolliens; fit rigor, sed non exasperans; fit zelus, sed non immoderatè seuerus; fit pietas, sed non plusquam expedit parcens. Deinde felicitatis cuiusdam, nec prudentiæ vulgaris est, potiùs maleficia prohibere, quàm patrata punire. Huc non incongruè reuoces illud Ciceronis: Obiurgationes, inquit, etiam nonnumquam incidunt necessariæ, in quibus vtendum est fortasse & vocis contentione maiore, & verborum grauitate acriore. Id agendum etiam est, vt ne ea facere videamur irati: sed, vt ad vrendum & secandum medici veniunt, sic ad hoc genus castigandi rarò inuitique veniamus; nec vquam nisi necessariò, si nulla reperietur alia medicina. Sed tamen ira procul absit, cum quâ nihil rectè fieri, nihil consideratè potest. Magnâ autem ex parte clementi castigatione vti licet; grauitate tamen adiunctâ, vt seueritas adhibeatur, & contumelia repellatur. Atque etiam illud ipsum quod

quod acerbitalis habet obiurgatio, significandum est, ipsius id causâ qui obiurgetur, esse susceptum. Præclarissimè hæc, ut cetera, disertissimus Romanorum.

Nullam vñquam patiêris admōitioni tuæ interloqui; ut quæ iam antè omnia dixerit, quæ vel in sui purgationem, vel extenuationem culpæ, adferri poterant. Id si toleraueris, timendum est, ne citò vel illa vel tu modum excedatis, fiatque ex correptione contentio, quâ mulieribus animus accedit, viris multum de auctoritate decedit. Loquendi igitur vices non assumes, nisi ut corripienda nullas habeat: ideoque patientiam illius nec longiori nec mordicante sermone fatigabis. Neque enim malè dixit quispiam, Mulierem officium suum facere, quæ viro verbis nolit concedere, si vsque ad contentionem peruentum est.

Si pœna denuntianda sit, nullam vel leuissimam vñquam infliges, quin

rogata sit rea, vt eam amore Christi ferat æquanimiter; non odio haberi ipsam, sed curæ Superioribus esse ipsius salutem: nihil, si verè pœniteat, hac pœnâ depristino honore vel exultatione detractum iri; quin ex nunc pristinum beneuolentiæ affectum, omniaque mutuæ charitatis indicia recuperasse, dummodò emendatione morum resarciat quod peccatum est.

EPILOGVS.

POrro habes à nobis, optime Lector, Opusculum fortassis tibi nec inutile nec iniucundum: scripsimus enim ea quæ non fingi vel optari tantum possunt, sed quæ sunt in vsu vitæque communi, quæque primâ facie apud alios sese vltro non offerunt. Atque speramus nihil ferè omissum, quod propriè eam ad rem faciat, etiam si plenâ manu, vt dicitur, propositum necdum assecuti simus. Neque ignoratio hæc nos subit aut blanditur,

tur, quin plura potioraque à politioribus calamis & maioris experientiæ viris, tamquam ex vberiori Amaltheæ cornu, effundi possint. Sed perinde quod dedimus erit omne, vt acceperis. Vtile vsus faciet, iucundum animus non nimiùm seuerus. Ceterùm breuitas quædam cum perspicuitate nobis placuit; &, quantum tenuitas nostra fert, in re etiam benè longâ symbolum dedimus. Postremò, Deum Opt. Max. deprecor & obtestor, vnicum illum verumque animarum Pastorem, vt quàm plurimis hæc qualiaqualia nostra profint, si videbitur; sin minùs, paucis; sin minùs, vel vni.

F I N I S.

INDEX CAPITVM HVIVS DIATRIBES.

CAPVT PRIMVM.

§. I. <i>Quàm difficile sit regimen sacrarum Virginum.</i>	pag. 15.
§. II. <i>Prima huius difficultatis ratio.</i>	16.
§. III. <i>Virginitas nonnullis occasio superbia.</i>	20.
§. IV. <i>Altera huius difficultatis ratio.</i>	25.
§. V. <i>Tertia ratio.</i>	28.
§. VI. <i>Quarta ratio.</i>	29.
§. VII. <i>Etiam virgines masculis virtutum exercitiis idonee.</i>	31.

CAPVT II.

<i>Senem, an iuuenem Sanctimonialibus præfici oporteat?</i>	38.
§. II. <i>Senes viris, viros adolescentioribus præferes.</i>	45.

CAPVT III.

§. I. <i>De officio Rectoris, id est, qualem seipsum præbere debeat.</i>	48.
§. II. <i>Non sit nimium morosus.</i>	56.

CAPVT IV.

<i>Æqualiter Rectori ab amore atque odio subdita-</i>	
---	--

INDEX CAPITVM.

ditarum cauendum. Aliquot in vtrumque malum cautiones. 59.

CAPVT V.

Ody amorisq̃ue muliebris incommoda. 65.

CAPVT VI.

Contra Sororum odium alexipharmacum. 69.

CAPVT VII.

Contra earumdem amorem remedia. 71.

CAPVT VIII.

Nulla à Sanctimonialibus munuscula accipienda, nulla danda. 76.

CAPVT IX.

In primis Reſtori adlaborandum, vt pacem veramq̃ue charitatem inter Sorores foueat. 84.

CAPVT X.

§. I. *Remedia excludenda à monaſteriis Sanctimonialium discordia.* 93.

§. II. *Remedium alterum.* 97.

§. III. *Tertium Remedium.* 102.

CAPVT XI.

De libertate conſitendi. 105.

Artium principia solent ferè esse te-
trica; sed Reuer. admodum P. Ioan-
nes Mantelius, S. T. Licent. & Conuen-
tus PP. Augustinianorum apud Iprenses
Prior, in hac Arte artium tradendâ tam
aptè miscuit utile dulci, ut unâ cum
optimis praeceptis etiam iucunditatem le-
gentibus adferat, nemini offensam: idcir-
cò publicâ illam luce donandam censeo.
Ipris XXV. Febr, M. DC. XXXIX.

G. vander Sterre Archid.
Iprensis,

S V M-

SVMMA PRIVILEGII.

PHILIPPVS IV. Hispaniarum & Indiarum Rex Catholicus, ac Potentissimus Belgarum & Burgundionum Princeps Diplomate suo sanxit, nequis F. Ioannis Mantell, S.T.L. Ordinis Eremit. S. Augustini, Artem artium, siue de Regimine Sanctionialium Diatriben, præter Baltharis Moreti voluntatem villo modo intra nouennium imprimat, aut alibi terrarum impressam in Inferioris Germaniæ ditiones importet venalémve habeat. Qui secùs faxit, confiscatione Librorum, & aliâ graui pœnâ multabitur; vti latiùs patet in litteris datis Bruxellæ xv. Decembris, M.DC.XXXIX.

Signat.


Steenhuyse.



ANT 1.316.465







7003



